

Piniakkat killilersukkat Avanersuarimi Ittoqqortoormiinu qilalukkat qernertat qaqortallu, aaveq aamma nanoq pillugit periarfissaqarnersoq misissuisoqassasoq, kiisalu sunik suliniutinik killilersuisoqarunnaarnissaa pillugu Naalakkersuisut UPA2020-imut peqquneqarnissaannik Inatsisartut aalajangiiffigisassaattut siunnersuut.
Inatsisartunut ilaasortamit Karl-Kristian Krusemit, Siumut, saqqummiunneqartoq

aamma

Piniakkanik killilersukkanik ukiumi pisassiiffiusumi Qilalukkanik qernertanik Qilalukkanik qaqortanik aammalu Nannunik, ukiup qaammataani qaammatit marluk December-imi Januar-milu pisassiiffiujunnaartinneqarnissaannik Naalakkersuisut peqquneqarnissaannik inatsisartut aaliagiiffigisassaattut siunnersuut.
Inatsisartut Jens Napätök'-imit, Partii Naleraq, saqqummiunneqartoq

pillugit

Aalisarnermut, Piniarnermut Nunalerinermullu Ataatsimiititaliap

siunnersuutit aappassaaneerneqarnerannut

ISUMALIUTISSIISUTAA

Ataatsimiititaliap suliarinninnermini kingullermik ilaasortarai:

Inatsisartut ilaasortaq Henrik Fleischer, Siumut, Siulittaasoq
Inatsisartut ilaasortaq Aqqaluaq B. Egede, Inuit Ataqtigiit, Siulittaasup tullia
Inatsisartut ilaasortaq Siverth Karl Heilmann, Atassut
Inatsisartut ilaasortaq Jens Danielsen, Siumut
Inatsisartut ilaasortaq Steen Lyng, Demokraatit
Inatsisartut ilaasortaq Múte Bourup Egede, Inuit Ataqtigiit
Inatsisartut ilaasortaq Hans Enoksen, Partii Naleraq

UPA 2019-imi ulloq 24. april 2019 siullermeerinninnerup kingorna ataatsimiititaliap siunnersuutit misissorpai.

1. Siunnersuutit imarisaat siunertaallu

Qilalukkanik qernertanik, qilalukkanik qaqortanik aamma nannunik aavernillu pisassiissutinik killilersuinerup qasukkartinneqarnissaa imaluunniit killilersuiunnaarnissaq siunnersuutini marlunni siunnersuutigineqarpoq.

UPA 2019/193-ip akuersissutigineqarneratigut inuussutissarsiutigalugu piniartut qaammatini decembarimi januaarimilu pisassiissuteqarfiunngitsumik qilalukkanik qernertanik, qaqortanik nannunillu piniarsinnaalersnissaat anguniarlugu sulissutiginnequllugit Naalackersuisut pisussaaffilerneqassapput.

UPA 2019/221 akuersissutigineqassappat Avanersuarmi Ittoqqortoormiunilu qilalukkat qernertat qaqortat nannut aarrillu pisassiissuteqarfiunngitsumik piniarneqarsinnaalernissaannut iliuusissat suut iliuuserineqarsinnaanerannik misissuinissamik Naalackersuisut pisussaaffilerneqassapput.

2. Naalackersuisut akissuteqaataat

Tamakkiisumik ilaannakortumilluunniit pisassiissutinik atorunnaarsitsineq nunap pisuussutaanik aqutsinermi akisussaassuseqanngitsuliornerussasoq Naalackersuisut akissuteqaamminni oqaatigaat. Piniagassat illersorniarlugit, piniartut siunissami inuussutissarsiornikkut isertitaqarnikkullu periarfissaat illersorniarlugu miluumasunik imarmiunik piniarneq piujuaannartitsinermik tunngaveqartariaqartoq erseqqissaatigaat, tamannali aamma Kalaallit Nunaata nunatut arfanniarfittut nannunniarfittullu uppernassuseqarnera illersorniarlugu.

Tassunga atatillugu pisassiissuteqartarneq atuutilinngikkallarmat piniagassaqaarnikkut ajortumik ineriartorneq pisassiissuteqartarnermik aaqqissuussinerup eqqunneqarneratigut illuanut saatinneqarsimasoq erseqqissaatigaat. Nannunik qilalukkanik qaqortanik qernertanillu pisassiissutit sumiiffinni arlalinni 2015-imi amerlineqarnerinut ilisimatusarnikkut siunnersuinerit kingullit pissutaaqataapput, tamanna piniagassat amerliartornerannik pissuteqartinneqarluni. Pisassiissuteqartarnikkut aaqqissuussinermik ingerlalluartumik atorunnaarsitsinerup pitsaasumik ineriartorneq illuanut saatissagaa ilanngullugu oqaatigaat, ukiorpassuarnilu ilisimatusarnikkut sulianik atornerluinerussalluni. Pisassiissuteqartarnermik aaqqissuussinermik tamakkiisumik ilaannakortumilluunniit atorunnaarsitsineq piniagassat ikilerujussuarnerannik ajornerpaaffianiluunniit nungutaanerannik nassataqarsinnaavoq.

Taamaattoqarpat kinguaariit maannakkut siunissamilu taakkuninnga atorluaanissamik periarfissaat killilerneqassaaq.

Naalakkersuisut erseqqissaatigaat nutaanik ilisimasaqalernikkut ilisimatusarnikkulluunniit siunnersuisoqarneratigut pisassiissutaasunik aalajangiunneqarsimasunik nalilersueqqinnissamut Naalakkersuisut periarfissaqassasut. Maannakkulli paasissutissaateqartoqannigilaq allatut naliliinissamut tunngavissiisunik.

Tamatuma saniatigut sumiiffinni aalajangersimasuni toqqakkani pisassiissutinik tamakkiisumik ilaannakortumilluunniit atorunnaarsitsineq assigiimmik atugassaqartitsinermit tunngaviusunut akerliussasoq Naalakkersuisunit oqaatigineqarpoq.

3. Siunnersuutit Inatsisartuni siullermeerneqarnerat

Pisuussutsit siunissami qulakkeerniarlugit aqutsivigineqarnissaasa pingaaruteqarnera siullermeerininnermi siamasissumik isumaqatigiissutigineqarpoq, taamatutaaq sumiiffinni aalisarnikkut ineriartortitsiffiusimanngitsuni inuuniarnikkut toqqammavissat qulakkeerneqartariaqarnerat. Oqaluuserinninnermi pisuussutsit uumassusillit aqutsivigineqarneranni ilisimatuut sumiiffinnilu aalisartut piniartullu suleqatigiinnerisa qanoq annertusineqarsinnaanera partiit oqaaseqartuinit arlalinnit oqaatigineqarpoq.

Oqaluuserinninnermi pisassiissuteqartarnermut aqqissuussinermik nutaamik suliaqartoqarsinnaaneranut periarfissanik isumaliutiginneqqullugit Naalakkersuisut kaammattorneqarput. Taamatutaaq piniagassanik kisitsisarnermut periutsit atorneqartut naammattumik pitsaassuseqarnerisut ingerlaavartumik nalilersorneqartarnissaat kaammattuutigineqarpoq.

4. Siunersiuineq

Ataatsimiititaliaq siunnersuutininik suliarinninnerminut atatillugu Aalisarnermut, Piniarnermut Nunalerinermullu Naalakkersuisumik siunersiuivoq. Siunersiuinermit aggeqqusissutip Naalakkersuisullu oqaasissaanut najoqqutassiap assilineri isumaliutissiisummut matumunnga ilanngussaq 1-itut 2-tullu ilanngunneqarput.

5. Allakkatigut apeqqutit

Ataatsimiititaliaq siunnersuutininik suliarinninnerminut atatillugu Aalisarnermut, Pkiniarnermut Nunalerinermullu Naalakkersuisumut allakkatigut apeqqutinik nassiussaqarpoq. Apeqqutit Naalakkersuisullu akissutaasa assilineri isumaliutissiisummut matumunnga ilanngussaq 3-tut 4-tullu ilanngunneqarput.

6. Ataatsimiititaliap immikkoortunik suliarinninnera:

Ataatsimiititaliaq siunnersuummik suliarinninnerminut atatillugu piniarnikkut soqutigisanut uumasogatigiiaallu nungusaataannngitsumik piniarneqarnerat eqqarsaatigalugu pisassiissutit pisarinngitsoorneqartartullu amerlassusaat pillugu erseqqinnerusumik tusarniaavoq. Ataatsimiititaliattaq pisasiisarnermik aaqjissuussineq atuuttoq qasukkarneqaraluarpat avataanit tusaamaneqarnikkut ulorianaataasinnaasoq paasiniaaffigaa.

Uumasunik piniagassanik pisassiissutit siunnersuummi taaneqartut ukiuni kingullerni aalajaassimannngikkunik amerliartorsimasut pappiaqqanit nassiunneqartunit takuneqarsinnaavoq. Aammattaaq takuneqarsinnaavoq, uumassusilerituunit siunnersuutaasut killissaat tikillugit immikkut ittunik pisassiissuteqartoqartarsimasoq Naalakkersuisullu ilanngullugu ilisimatitsissutigaaq periarfissaatillugu pisassiissutinik ukiumiit ukiumut nuussisoqartartoq. Ukiup ingerlanerani piniartutut inuusutissarsiteqarnermut iluaqutaasumik pisassiissutit killiffii pisarineqartullu pillugit paasisitsiniaasoqartartoq Naalakkersuisut ilisimatitsissutigaaq tassunga ilanngunneqassaaq.

Pisassiissutit pisarineqanngitsut pillugit assersuutitut oqaatigineqarsinnaavoq, 2017-mi qilalukkat qernertat 532-it nunamut tamarmut pisassiissutigineqarsimasut, taakkunannali taamaallaat 426-it pisarineqarsimasut, tassa qilalukkat qernertat pisassiissutigineqartut 106-t pisarineqarsimannngitsut. 2018-mi nuna tamakkerlugu qilalukkat qernertat pisassiissutigineqartunit 22-it pisarineqarsimannngillat. Qilalukkat qaortat pisarineqanngitsut 2017-mi 144-simasut 2018-milu 123-iusimasut. 2017-mi nannut pisassiissutaasut tamakkerlugit pisarineqarsimapput, 2018-milu arfineq marluk pisarineqarsimanatik. Taamaalillutik uumasut ilaannut tunngatillugu pisassiissutissat pisarineqanngitsoortartut amerlangaatsiarsimallutik.

Nunat tamat akornanni arfanniarnermut ataatsimiititaliarsoq (IWC) siunnersuutigisimavaa arfernik mikinernik aqutsivigininneq IWC-mut tunniunneqassasoq. Tamanna pissappat, IWC-ip piujuuannartitsinissamik piumasqaataasa sakkortuneri pissutigalugit pisassiissutit ikilisinneqarsinnaanerit imaluunniit pisassiissutissiisoqartarunnaarnissaa ernummatigineqarsinnaavoq. Naalakkersuisup ataatsimiititaliamut akissuteqarnermini ukiut aqqanillit matuma siorna pisimasoq paasisutissiissutigaa, Kalaallit Nunaata kangiani qilalukkat qernertat toqorarlugit mattaajaannakkat tuugaaviaannakkallu umiarsuup takornariartaatip siumorsimagai. Pisup kingorna ukiut qulit qaangiunneranni aamma Uummannani Upernavimmilu qilalukkat qernertat mattaajakkat tuugaaviakkallu, filmiliarineqarsimapput inuillu nittartakkatigut attaveqatigiittarfiinut takusassiarineqarsimallutik.

Pisassiissuteqartarnermik qasukkaasoqarnera tamatuminnga ajornerulersitsisinnaavoq, siunnersuuteqartullu siunertaanut akerliusumik malitseqarsinnaanera mattunneqarsinnaangilaq – tassa, maannakkut ingerlatsinermi kiffaangissuseqarneq atuuttoq killilersorneqalerluni nunarsuarlu tamakkerlugu pisassiissutit pillugit isumaqatigiinniartarnermi Kalaallit Nunaat ajornerusumik inissisimalerluni.

USA Europalu piujuaannartitsinermik tunngaveqanngitsumik piniariaaseqarluni pisanik eqqussinissamut inerteqquteqalersimammata aalisakkanik avammut tunisaqarnermut tamanna ajoqusiisinnaavoq.

Mianersorluni ingerlatsinermik tunngaveqarluni uumasogatigiinnut piniakkanut arlalinnut pisassiisoqartarnera oqaatigissallugu ataatsimiititaliaq tunngavissaqarpoq, tassami uumasogatigiit qanoq amerlatigineri ilisimaneqanngimmat, ilaatigut qaqutiguinnaq kisitsisoqartarmat. Tassunga atatillugu Tasiilami nannunik pisassiissutit assersuuititut taaneqarsinnaapput. Tasiilami eqqaanilu piniartut 2018-mi nannunik 25-nik pisassinneqarnikuupput. Pisassiissutit 2011-imili allangortinneqarnikuunngillat, mianersorlunilu ingerlatsinermik tunngaveqarluni aalajangersagaasimallutik uumasogatigiimmi amerlassusaat ilisimaneqanngimmat. Naalakkersuisut tassunga atatillugu § 37-i tunngavigalugu apeqqummut nr. 193/2015-imut akkissumminni tulluuttut paasissutissiissutigaat:

”Pinngortitaleriffik 2014-2018-imut Tunumi nannunik annertuumik misissuillutik aallartinnikuupput. Siusinnerusukkut aallartissalluni periarfissaqarsimanngilaq, tassa Pinngortitaleriffiup Kitaa ukkatarigamiuk, tamaani ataatsimoortumik Canadami Kalaallit Nunaannilu pizarineqartut tamarmiusut annertunerummata.

Tunumi nannut pillugit siunnersuisarneq ima suliassaasartigaaq misissuinerit ukiunut arlalinnut siammarterneqartariaqartarlutik, tassa aningaasaliiffigineqarnissaq tunngaviusumillu ilisimasaqarnissaq pizariaqartinneqartaramik. Sumiiffimmi taamannak annertutigisumi suli nannunik kisitsisoqarsimanngilaq. Naliliineq immikkoortunut misissuinerinnulluunniit arfinilinnut avinneqassaaq:

- 1. Pizarineqartut misiligutissanik tigusiiffigineqassapput (ingerlaavartumik): Qanoq ukioqarneri DNA-millu misissueqqissaarnerit,*
- 2. Oqaloqateqarnerit aqqutigalugit misissuinerit (2014-2015): Nannut amerlassusiisa, sumiittarnerisa, peqqissusiisa, nerisaasa,*

- piniarneqarnerisa silallu pissusaannik sunnerneqarnerisa allanngorneri pillugit piniartut ilisimasaat katersorneqassapput,*
3. *Pisarineqartunut paasissutissat kiisalu atuakkiatigit misissuinerit takussutissaliornerat (2014-2015),*
 4. *Kujataani qaammataasat atorlugit nalunaaqutsersuinerit (2014-16). Nannut sumunnartarneri ilisimasaqarnerulerfigissallugit pisariaqarpoq, tassa nannut Tunumiittut uumasogatigiiaatut ataatsitut arlalittulluunniit aqunneqarnissaat paasisaqarfiginiarlugu. Ikummatissanut toqqorsiviit 2014-imi pilersinneqarput, nalunaaqutsersuinerlu 2015-imi aallartinneqassalluni.*
 5. *Nunap Eqqissisimatitap kujataani pisarisanik/pisareqqitanik kisitsineq (2016-2018): Nannuttarfinni nannut amerlassusaat, Ittoqqortoormiinit Ammassalimmut qanoq nikerartigisarnerat aamma pissusissamisoortumik amerliartornerat pillugit paasissutissat inernerussatut naatsorsuutigisanut ilanngunneqarput,*
 6. *Nunap Eqqissisimatitap kangiani uuliamik ujarlerfimmi kisitsineq (2015-2018): Uuliamik ujarlernissamut akuersissuteqarnernut atatillugu Nunami Eqqissisimatitami nannunik kisitsisoqarnissaanut aningaasanik Pinngortitaleriffik qinnuteqarsimavoq.”*

Ikersuarmit/Kane Bassin aamma Baffinnip ikerasaani ukiuni 1992-miit 1998-mut aamma 2010-miit 2013-mut arlaleriarlutik annertuumik misissuiffigineqarnikuusut nunatta kangiani nannut kisinneqanngisaannarnikuupput.

Naalakkersuisut 2010-mi § 37 tunngavigalugu apeqqummut (92/2010) akissumminni paasissutissiissutigaat, Pinngortitaleriffik 2012-imi nunaata kangiani nannunik kisitsinissamik pilersaaruteqartoq, tamanna teknikikkut aningaasaqarnikkullu ajornanngippat. Pilersaarulli piviusunngortinneqanngilaq.

2018-mi Naalakkersuisut § 37 tunngavigalugu apeqqummut (30/2018) akissumminni paasissutissiissutigaat nannunik nakkutilliineq Pinngortitaleriffiup missingersuutaani ilaanngitsoq, taamaammat tamatumunnga avataaniit aningaasaliiffigineqarnissamik pisariaqartitsisoq. Pinngortitaleriffik 2014-imi nannunik piniartarneq nungusaataannginnersoq nalilersorumallugu 2014-imi misissiuernmik aallartitsivoq. Kisitsinerit pilersaarusiornissaannut paasissutissanik tunngavissanik pissarsiniarnermut ukiut siulliit sisamat atorneqarput. Maannamuugallartoq piffissat kisitsiviusussat 2019-imi aamma 2020-mi pisussatut pilersaarutaagallarput. Misissuinerit pilersaarutaasutut ingerlasut aamma akissummi paasissutissiissutigineqarpoq. Taamaattorli sumiiffimmi sulineq kingulleq 2018-imi pinnani 2020-imut kinguartinneqarsimasoq, tamannalu suliniutip annertunerujussuanik, kiisalu Ikersuarmit/Kane Bassinimit aamma Baffinnip ikerasaanit kisitsisaatit misissoqqissaarneranni kinguaattoornermik pissuteqartoq. Paasissutissiissutigineqarportaaq

Pinngortitaleriffiup nunatta kangia pillugu 2021 sioqqullugu nutaamik siunnersuusiornissaa naatsorsuutigineqanngitsoq.

Pisassiissuteqartarnermi piujuaannartitsinissamik tunngaveqarneq pingaartinneqarnera ataatsimiititaliamit paasilluarneqarpoq. Taamaattorli nunatta kangiani piniartut pisassiissutit qaffanneqarnissaannut tunngavissiissutinik saqqummiussisoqarnissaanik sivisuumik utaqqisariaqareersimasut oqaatigissallugu ataatsimiititaliap tunngavissaqartippaa. Sumiiffimmi piniartut inuuniarnerminni atugaat ajornarsiartuinnavipput pissutsillu piviusut malillugit allanik inuussutissarsiuteqarnissamut periarfissaqarani.

Nangillugulu aningaasanut inatsisissap isumaqatigiinniutigineqarnerani Pinngortitaleriffimmut aningaasaliissutit ilaneqartariaqarsinnaanerisa isumaliutigineqarnissaa ataatsimiititaliap kaammattuutigissallugu tunngavissaqarsoraa, taamaalilluni ilisimatusarfik kisitsinernik amerlanerusunik ingerlatsinissaminut periarfissaqalerluni, suliniutit aningaasalersorneqarnissaat tamatumani ajornartorsiortitsisuuppat.

Suliamik ingerlatsinermi piniartut ilisimasaasa annertunerusumik atorneqartariaqarnerat oqaatigissallugu ataatsimiititaliaq tunngavissaqarpoq, tamatumani pisassiissutit aalajangersarneqarneranni tunngavissat pitsaanerpaaqqullugit, aammattaaq piniartut uumassusilerituullu akornanni paasissutissanik avitseqatigiinnerup paaseqatigiinnermik annertunerulersitsinissaa, taamatullu illuatungeriit suliamut ingerlatamut akisussaaqataasutut misigisimanissaat anguniarlugu.

7. Ataatsimiititaliap inassuteqaatai

UPA2019/193:

Ataatsimiititaliap siunnersuutip kingunerisinnaasai qularnartoqartippai, taamaammallu kissaatigalugu kingunerisinnaasai qulaajarneqaaqaassasut.

Taamaattumillu allannguutissatut siunnersuut una ataatsimiititaliamit isumaqatigiittumit saqqummiunneqarpoq:

Piniakkanik killilersukkanik ukiumi pisassiiffiusumi qilalukkanik qernertanik, qilalukkanik qaqortanik aammalu nannunik ukiup qaammataani qaammatit marluk decemberimi januarimilu pisassiiffiujunnaartinneqarnissaannut periarfissat UPA2020-mut misissorneqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut.

UPA2019/221:


Ataatsimiititaliaq isumaqarpoq pissutsinik misissuineq ajoqutaasinnaanngitsoq.

Tamannalu tunngavigalugu siunnersuut akuersissutigineqassasoq ataatsimiittaliap isumaqatigiittup inassutigaa.

Taamatut oqaaseqarluni, isumaliutissiisummilu allassimaneratut paasinnilluni matumuuna Ataatsimiittaliap siunnersuut aappasaaniigassanngortippaa.




Henrik Fleischer
Siulittaasoq




Aqqaluaq B. Egede
Siulittaasup tullia



Karl-Kristian Kruse



Jens Danielsen



Steen Lynge



Múte Bourup Egede



Hans Enoksen



Ilanngussaq Bilag

Naalakkersuisoq for Fiskeri. Fangst og
Landbrug

Jens Immanuelson

Via email: apnn@nanoq.gl

Dato: 02-05-2019

J.nr.: 01.36.01.03-00086

Ataatsimiititaliap UPA2019/221-mik suliarineranut tunngatillugu apeqquteqaatit Piniakkat killilersukkat Avanersuarmi Ittoqqortoormiinilu qilalukkat qernertat qaqqortallu, aaveq aamma nanoq pillugit periarfissaqarnersoq misissuisoqassasoq, kiisalu sunik suliniutinik killilersuisoqarunnaarnissaa pillugu Naalakkersuisut UPA2020-imut peqquneqarnissaannik Inatsisartut aalajangiiffigisassaattut siunnersuut.

Naalakkersuisut immikkoortunut 193-mut aamma punkt 221-mut akissuteqaatitut oqaaseqaatimimi Nalaakkersuisut ilisimatitsitsissutigaa ukioq kingulleq Avanersuarmi umimmannik, nannunik, qilaluk-kanik qaqqortanik, qilalukkanik qernertanik, aavernillu pisassiissutit siorna sinneqarmata. Tunumi umimmaat, aavernik tikaagullinnillu sinneqarput. Kalaallit Nunaata Kitaani qilalukkanik qaqqortanik, qilalukkanik qernertanik, aavernik, nannunik, tikaagulliusaanik, qipoqqanik arfivinnillu pisassiissutit sinneqartut.

Akissuteqaatitut oqaaseqammi aamma takuneqarsinnaavoq Naalakkersuisut naliliisoq qasukaallaatsitsinermi imaluunniit killilersugaanngitsumik pisassiisoqassappat piujuaannartitsinissamik Kalaallit Nunaatalu tatiginassusaanik innarliissasoq.

Ataatsimiititaliap pisassiissutitut nalunaarsuutit, pisarineqarsimasut nalunaarsorneqarneri akissuteqaatitullu oqaaseqammi ukiuni kingullerni immikkoortuni pineqartuni tallimani uumasunut taaneqartunut tamanut pisassiissutit sinnerussimasut nalunaarsorneqarneri pissallugit kissaatigaa.

Ataatsimiititaliattaq qasukaallaatsitsinermi piujuaannartitsinissap innarlerneqariataarsinnaaneranut pissutsit qanoq innerannik itisiliisoqarnissaa kissaatigaa.

Ataatsimiititaliattaq aamma qasukaallaatsitsinermi killilersuiinnaarnerulluunniit isigineqarnitta innarlerneqariataarsinnaanerannut pissutsit qanoq innerannik itisiliisoqarnissaa kissaatigaa.

Spørgsmål i forbindelse med udvalgets behandling af FM2019/221 - Forslag til Inatsisartutbeslutning om, at Naalakkersuisut pålægges til FM2020 at undersøge

mulighederne for samt hvilke tiltag der skal til for at ophæve kvotering af fangst dyr ved Avanersuaq og Ittoqqortoormiit om narhvaler, hvidhvaler, hvalros og isbjørne.

I Naalakkersuisuts svarnotat vedr. punkt 193 og punkt 221 oplyser Nalaakkersuisut at der sidste år var restkvoter på moskusokse, isbjørn, hvidhval, hvalros og narhval i Avanersuaq. I Østgrønland var der restkvoter for moskusokse, hvalros og sildepiskere, og i Vestgrønland var der restkvoter på hvidhval, narhval, hvalros, isbjørn, finhval, pukkelhval og grønlandshval.

Af svarnotatet fremgår det tilige, at Naalakkersuisut vurderer, at en lempeligere eller fri kvotering vil kompromittere bæredygtigheden og skade Grønlands troværdighed.

Udvalget ønsker en oversigt over kvoter, registreret fangst samt restkvote for hver af de i svarnotatet nævnte fangst dyr for de seneste 5 år i de relevante områder.

Udvalget ønsker endvidere en umiddelbar uddybning af den konkrete bæredygtighedsrisiko ved en lempeligere eller fri kvotering.

Udvalget ønsker dertil en umiddelbar uddybning af den konkrete omdømmerisiko ved en lempeligere eller fri kvotering.

En besvarelse af udvalgets spørgsmål bedes sendt på grønlandsk og dansk til ina@ina.gl samt med kopi til udvalgets sekretær på nama@inatsisartut.gl senest den 9. Maj 2019.

Med venlig hilsen

Henrik Fleischer

Formand for Fiskeri,- Fangst og Landbrugsudvalget

Kopi: Departementchef Jørgen Isak Olsen, email: jio@nanoq.gl



Inatsisartut
Aalisarnermut, Piniarnermut Nunalerinermullu Ataatsimiititaliaq
Att. Siulittaasoq, Henrik Fleischer

-/MAANI

Ilanngussaq
Bilag

2

Pineqartoq: UPA 2019/193 aamma 221 pillugu apeqquteqaatinut akissuteqaat

Maajip pingajuanik 2019-imut ullulerneqartukkut Ataatsimiititaliaq allakkatigut apeqquteqaateqarpoq, tulleriinnerilu malillugit akineqassapput.

1-imut) Naalakkersuisut immikkoortunut 193-mut aamma punkt 221-mut akissuteqaatitut oqaaseqaatimini Naalakkersuisut ilisimatitsitsissutigaa ukioq kingulleq Avangersuarmi umimmannik, nannunik, qilalukkanik qaqortanik, qilalukkanik qernertanik, aavernillu pisassiissutit siorna sinneqarmata. Tunumi umimmaat, aavernik tikaagullinnillu sinneqarput. Kalaallit Nunaata Kitaani qilalukkanik qaqortanik, qilalukkanik qernertanik, aavernik, nannunik, tikaagulliusaanik, qipoqqanik arfivinnillu pisassiissutit sinneqartut.

Akissut:

Aap, ilumoorpoq Avangersuarmi Kangianilu pisassiissutinik sinneqartoqarsimaneranik paasissutissiisoqarmat, taakkualu 2018-imi pisarineqarsimasut nalunaarutineersuullutik.

2-mut) Akissuteqaatitut oqaaseqammi aamma takuneqarsinnaavoq Naalakkersuisut naliliisoq qasukaallatsitsinermi imaluunniit killilersugaanngitsumik pisassiisoqassappat piujuaannartitsinissamik Kalaallit Nunaatalu tatiginassusaanik innarliissasoq.

Akissut:

Aap, ilumoorpoq Naalakkersuisut naliliimmata qasukaallatsitsinermi imaluunniit killilersugaanngitsumik pisassiisoqassappat piujuaannartitsinissamik Kalaallit Nunaatalu tatiginassusaanik innarliisoqassamat. Taamatutaaq Naalakkersuisoqatigiinnissamat isumaqatigiissummi nungukkiartuutaanngitsumik atuinissamat immikkoortortaq akerlilerneqassamat.

3-mut) Ataatsimiititaliaq pisassiissutinut nalunaarsuutit, pisarineqarsimasut nalunaarsorneqarneri akissuteqaatitullu oqaaseqammi ukiuni kingullerni immikkoortuni pineqartuni tallimani uumasunut taaneqartunut tamanut pisassiissutit sinnerussimasut nalunaarsorneqarneri pissallugit kissaatigaa.

Akissut:

Ilanngussaq 1-imut innersuussisoqarpoq pisassiissutit allattorsimaffiat, pisaasimasut nalunaarsorneqarnerat kiisalu pisarinngitsuukkat allakkiami akissuteqaammi piniagassat taaneqartut ukiuni kingullerni tallimani piffinni pineqartuni. Nunatta sinnera pillugu paasissutissat Naalakkersuisoqarfimmi pigereerneqarmata taakkua ilanngunneqarput.

Dato: 09-05-2019
Sags nr.: 2018 - 17107
Akt. nr.: 10693086

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Ilanngussaq 1-mi 2014-2018-imi pisaasimasut takutinneqarput tabel 1-8-mi, aamma tabel 9-10-mi tuttutat umimmattallu Qaanaami Ittoqqortoormiunilu 2014-2018.

Ilanngussaq 2-mi Nunarput tamakkerlugu 2004-miit (2006) 2018-i ilanngullugu pisassiissutit pisaasimasullu allattorsimaffiat.

Ilanngussaq 3-mi 2019-imi pisassiissutissat pillugit tusagassiutinut nalunaarutit kattunneri.

4-mut) *Ataatsimiititaliattaq qasukaallaatsitsinermi piujuaannartitsinissap innarlerneqariataarsinnaananeranut pissutsit qanoq innerannik itisiliisoqarnissaa kissaatigaa.*

Akissut:

Tamakkiisq eqqarsaatigalugu ilisimatitsissutigineqassaaq qilalugartassanik, nannuttassanik aamma aaffattassanik aalajangiisarneq nungukkiartuutaasumut qanittuararsuummata, taamaattumillu annikitsuinnarmilluunniit immikkut pisassiisoqaraangat uumassusilerinikkut inassuteqaatit qaangerneqartarmata taamaasillunilu peqassutsimut amerliartortitsinissamut ajoqusiisinnaasutut inissinneqartarluni, assingusumillu pisoqarpoq Naalakkersuisut ukiuni immikkut qernertartassanik aamma nannuttassanik aalajangiisimagaangata.

Avanersuaq:

2018 ukiakkut aamma 2019 ukiukkut uumasorsiuut umimmaat pillugit inassuteqaataat: Piniarfigineqartartut amerlanerpaartaanni tuttunik umimmannillu ukiuni arlaqalersuni kisitsisoqarsimangimmat, aammali pisat nalunaarutigineqartarneri amigarpallaartaqimmata, Aalisarnermut, Piniarnermut Nunalerinermullu Naalakkersuisoqarfik, APNN, aalajangerpoq tuttut umimmaallu amerlassusaasa ikileriarnissaannut aarlerinangitsumik mianersortumillu pisassiissalluni.

Aqutsiveqarfik Qaanaaq: Piniarfimmi Kangaarsummi inuussutissarsiutigalugu sunngiffimmilu piniartut 40-nik umimmanniarsinnaapput. Piniarfimmi Nuna Inglefield aamma Nuna Prudhoemi inuussutissarsiutigalugu sunngiffimmilu piniartunut umimmattassiissutit allannguuteqaratik 60-iupput. Tiggaat tammajuitsussarsiniartunut atugassat piniaqqusaanngillat.

Piniarfissaq 1. august - 31. december. Pisassiissutit atunngitsoorneqartut ukiuunerani piniarnissamut nuunneqarput, piniarnerlu ingerlavoq 1. januar 15. april ullut taaneqartut ilanngullugit.

Nannut pillugit uumasorsiuut inassuteqaataat; ukiumut nannut 10-t Kanep Imartorgata nanoqatigiivini.

Qaqortat pillugit uumasorsiuut inassuteqaataat; 20

Aarrit pillugit uumasorsiuut inassuteqaataat: 79

Qernertat pillugit uumasorsiuut inassuteqaataat: 103-t Qaanaamut aamma Etah-mut (tallimat Etah-mut).

Kangiani:

Umimmaat pillugit uumasorsiuut inassuteqaataat; 115-it. Inuussutissarsiutigalugu sunngiffimmi piniarsinnaaneq 1. august - 15. Oktober, aamma inuussutissarsiutigalugu aamma sunngiffimmi piniarsinnaaneq: 10. november – 10. december. Ukiuunerani umimmattassat 60-put piniarneqarsinnaallutik 1.-31. marts inuussutissarsiutigalugu aamma sunngiffimmi piniarsinnaanermut allagartalinnt.

Aarrit pillugit uumasorsiuut inassuteqaataat: 17

Qernertat pillugit uumasorsiuut inassuteqaataat kingulleq; 0-10, (Ittoqortoormiit aamma Kangerlussuaq 0-10, Tasiilaq 0).

Qaqortat pillugit uumasorsiuut inassuteqaataat: 0: Qaqortat takuneqartartut ikittuararsuartut nalilerneqarput allaat Kangiani pissutissaqanngitsoq oqassalluni immikkut qaqortaqtigeeqarneranik.

5-imut)

Ataatsimiititaliattaq aamma qasukaallaatsitsinermi killilersuiinnaarnerulluunniit isigineqarnitta innarlerneqariataarsinnaanerannut pissutsit qanoq innerannik itisiliisoqarnissaa kissaatigaa.

Akissut:

Qaqortat aamma qernertat assersuutigalugit: Namminersornerullutik Oqartussat 2004-mi qilalugarniarnissamut pisassiisarneq Kitaani eqquppaat Kangianilu 2006-imi. Tamannalu pivoq ukiorpasuarni pisassiissutissanik atuutilersitsiniarsimanermi peqassutsimut ikiliartuineq unitsinniarlugu. Piniakkanik aqutsinerluttoqarpoq qilalugaqatigiinnik immikkoortunik piffinni aalajangersimasuni nungusitaasoqarsinnaalluni.

Assersuutitut qaqortaqtigiiat piffinniit peerussimasoqarpoq aqutaanngitsumik sakkortuumillu Nuup Maniitsullu eqqaani 1930-kunni pisaqartarsimaneq peqqtigalugu. Qilalugaqatigiit uteqqissimangillat taamanili, aamma pinissaa naatsorsuutigineqanngilaq, ullumikkut pissutsit allat aamma peqputaaqataammata, ilaatigut umiarsuarnik angallanneq, annertunerusumik aalisarnermik aallutaqarneq aammalu silaannaap allangorneranik peqputeqartumik, taakkualu peqassutsip annikillineranik sakkortusaataasimapput.

Aammattaaq Upernaviup eqqaani 1980-kunni 1990-kkullu aallartinneranni qilalukkanik unguisarneq malunnaatilik pisarsimavoq, taamanikkullu peqassuseq millerujussuarsimasutut nalilerneqarsimavoq qaqortat piffimmiit tammavinnissaannik ulorianaateqalersillugu. Taamanikkut Naalakkersuisuusimasut aalajangiipput qaqortanik unguisarneq 1991-mi inertequtigilerlugu.

Kingusinnerusukkut qassusersorluni qaqortarniartarneq qernertarniartarnerlu inerteqputaalerput, piniariaaseq nalilerneqarluni peqassutsit immikkoortut piffinni ileqqoralugu qassusersorfiusarsimanngitsuni nalilerneqarmat ikiliartuutaasoq. Ullumikkut taamaallaat Aqutsiveqarfimmi Qaanaami aamma Kangiani, kommunemi ileqqoreqqusaqartoqartillugu qassutunik qilalugarniartoqarsinnaavoq.

2003-mi qernertat, qaqortat, aarrit aamma nannut pillugit nalunaarussiaq nunatta avataaneersunit NGO-niit isornartorsiuisoq tiguneqarput, malitsigisaanillu Nunatta iluani pisuussutit uumassusillit pillugit oqallinnerup inuiaqatigiit akornanni ammaavigineqarnera. Oqallinnerit aamma kinguneqarput qallunaat nunaanni nunanilu allani tusagassiorfiit maluginiarmassuk, aammalu Tv-qarfinni sammineqarmata.

Kalaallit Nunaat Nunat Tamat Akornanni Arfanniarnermut Ataatsimiititaliarsuanit (IWC) annertuumik isornartorsiorneqarportaaq, nunat uumasunik eqqissisimatitsiniat siunnersuutigeqqimmassuk arferit mikinerit aqunneqarneri IWC-mut akisussaaffinngortinneqassasoq. Ullumimut tikillugu EU suli isumaqarpoq aqutsinissamat oqartussaaffik IWC-mut nuutinneqarnissaa, EU isumaqarami arfermik mikisunik piniarneq ilaatigut aqunnerlunneqartoq. Kingullermik taamatut avoqqaarliuteqarneq Kalaallit Nunaata nalaarpaa 2014, 2016 aamma 2018-imi IWC-mi arfattassiissutissat isumaqatiginiutigineqarneranni.

2008-mi pitsaanngitsumik pisoqarpoq nunami allamiut umiarsuaat takornariartaat Kangianiilluni qernertanik 48-nik mattaajaannakkanik ilaalu tuugaajaannakkanik naammattoorsimmat, annertuumillu qisuariartoqarluni. Aamma Uummannap Upernaviullu aqutsiveqarfiini 2018-imi qernertat mattaajaannakkat nalunaarutigineqarput, qarasaasiakkut attaveqatigiittarfinni siammartinneqarlutik.

2019-imi Kangerlussuarmi pisoqarpoq umimmaat 10-t missaanniittut amii kisiisa tiguneqarsimasut, uumasup sinnera, tassa neqaa tamaat piniarfimmu qimaannarneqarsimalluni. Pisoq akueriuminaatsoq annertuumik qisuariaataavoq politiiinullu suliassanngortinneqarluni.

Qulaani pisut taaneqartut attanneqarsinnaanngillat aammalu pitsaanngitsorujussuarmik Nunattalu isigineqarneranik innarliingaatsiarsinnaasoq, nunani allani isumaqatigiinniarnerni ajornartorsiortitsisinnaapput, aammalu pisassiissutinik pissarsinngitsoornermik kinguneqarsinnaalluni, soorlu tamanna IWC-mi Nunatsinnut pisoq 2012-imi. Nunatta nunanut allanut pisussaaffeqarneranut atatillugu tatiginassusaanik ajoqusiisnaalluni.

Arferit mikinerit aqunneqarnerisa IWC-imut nuunneqassagaluarpat ilimagineqarsinnaavoq pisassiissutissat appartingaatsiarneqarnissaat imaluunni pisassinneqanngitsoortoqarsinnaalluni, IWC-mi nungukkiartuutaanngitsumik atuinissamat piumasaqatai sakkortoqimmata.


Qilalugarniarnermi pisassiissutit eqqunneqarnerisa kingorna, siullerpaamik 2015-imi uumasorsiuut inassuteqaasiorput Kitaani arlalinni pisassiissutinik amerliliiisoqarluni. Pisassiissuteqartalerrneq aamma unguisarnernup inerteqqutaalernera piffiillu ilaanni qassusersornerup inerteqqutaalernera kiisalu qassusersornerup piffiit ilaanni killilersorneqalernera pisaasartunik annikillilivoq, taamaalillunilu qilalugaqatigiit ilaat amerliartulersimallutik.

Ullutsinni qarasaasiakkut attaveqatigiittarfiit aamma qarasaasiakkut periarfissat pissutaallutik Nunatta avataaniit isigineqarnera tatiginassusaalu annertoorujussuarmik unammillerneqarsinnaavoq pisassiissuteqartarneq piffiit ilaanni imaluunniit piffissap ilaani atorunnaarsinneqassagaluarpata. Nunatta pingaarnertut inuussutissarsiuataa aalisakkanik avammut niuernermut pitsaanngitsumik kinguneqartitsisnaavoq.

USA inatsimmik atuutilersitereerpoq imarmiut miluumasut piujuaannartitsinissamut naapertuutinngitsunik aalisarnikkut piniuteqartoqarsimappat pisisuukkat peqqutigalugit aalisakkanik tunisassianik eqqussisinnaajunnaartoqarsinnaalerluni. Inatsit taamatut ittoq ilimagineqarpoq soorlu assersuutigalugu EU-mut tuniluussinnaasoq. Assersuutit kingulliit ilaat taaneqarsinnaavoq EU-p USA-llu tunisassianik puisineersunik eqqusseqqusiunnaarnera, Norge aamma Canada kisiat eqqornagit, kisianni aamma Nunarput Nunavullu eqqorneqarput, Inuit immikkut pineqarsinnaanerat siunertarisaminut kinguneqanngimmat.

Taamaattumik Naalakkersuisut isumaqarput tamatta isumatusaartumik aqutsinikkut tamatsinnut kinguaassatsinnullu iluaqusiissasoq, taakkulu pinngortitamiit pisuussutitsinnik iluaquserneqassallutik aamma.

Inussiarnersumik inuulluaqqusillunga



Jens Immanuelson

Aalisarnermut, Piniarnermut Nunalerinermullu Naalakkersuisoq



Ilanngussaq 1

BILAG I

Piniagassat killilersukkat pisat 2014-2018:

Takuuk tabel 1-8. Tabelit tamarmik ukiunut kiisalu illoqarfinnut (aqutsiveqarfiit) tunngatillugit immersugaapput. Boksini tamani kisitsiseqarpoq ukiumi pineqartumi aqutsiveqarfimmi pineqartumi pisarineqarsimasunik takutitsisunik. Kisitsimmik ungaluusalerneqarsimasumik malitseqartinneqarput. Taakku 1-12-nut kisitsisaapput ukiumi pineqartumi qaammammi pisassiissutit tamakkerneqarsimanerannik takutitsisut. * pisarineqarsimanngitsunik takutitsivoq.

Ulloq: 07-05-2019
Sullap normua: 2019 - 4990
Postboks 269
3900 Nuuk
Oqarasuaat (+299) 34 50 00
Naqitanik nassitsigassuaat
+299 34 63 55
E-mail: apn@nanoq.gl
www.naalakkersuisut.gl

Tabel 1: Qilalukkat qaortat pisarineqarsimasut amerlassusaat

Illoqarfik/ukioq	2014	2015	2016	2017	2018
Qaanaaq-Savissivik	31	7 (*)	16 (*)	32 (*)	5 (*)
Upernavik	125	27 (*)	76 (*)	26 (*)	49 (*)
Uummannaq	20	2 (*)	3 (*)	9 (*)	4 (*)
Ilulissat	57	45 (*)	38 (*)	34 (*)	61 (*)
Qeqertarsuaq	5	11 (*)	20 (*)	38 (*)	30 (*)
Qasigiannugit	1	2 (*)	0 (*)	0 (*)	3 (*)
Aasiaat	4	12 (*)	14 (*)	10 (*)	26 (*)
Kangaatsiaq	4	5 (*)	7 (*)	19 (*)	9 (*)
Sisimiut	9	6 (*)	17 (*)	15 (*)	15 (*)
Maniitsoq	13	9 (*)	12 (*)	10 (*)	10 (*)
Nuuk-Nanortalik	2	1 (*)	0 (*)	3 (*)	0 (*)
Katillugit	271	127	203	196	212

Tabel 2: Qilalukkat qernertat pisarineqarsimasut amerlassusaat

Illoqarfik/ukioq	2014	2015	2016	2017	2018
Qaanaaq	102	75 (*)	81 (*)	108 (*)	52 (*)
Savissivik	12	17 (*)	12 (*)	25 (10)	18 (10)
Upernavik	101	54 (10)	79 (05)	68 (5)##	47 (6)
Uummannaq	69	42 (*)	120 (*)	35 (*)	211 (*)
Ilulissat	2	5 (12)	5 (*)	0 (*)	5 (11)
Qeqertarsuaq	21	8 (*)	14 (*)	46 (*)	41 (04)
Qasigiannugit	3	0 (*)	1 (*)	1 (*)	2 (*) ###
Aasiaat	18	16 (*)	33 (*)	49 (*)	43 (4)
Kangaatsiaq	6	0 (*)	2 (*)	1 (*)	2 (*)
Sisimiut	0	0 (*)	0 (*)	0 (*)	2 (*)
Maniitsoq	0	0 (*)	0 (*)	2 (*)	0 (*)
Nuuk-Nanortalik	0	1 (*)	1 (*)	0 (*)	1 (*)
Tasiilaq	18	20 (8)#	15 (*)	31 (*)	22 (8)
Ittoqqortoormiit	63	74 (*)	38 (*)	60 (*)	51 (7)
Katillugit	415	312	401	426	495

Ulloq 17.09.2015 aalajangiunneqarpoq Tasiilaq qilalukkanik qernertanik immikkut qulinik pisassinneqassasoq

Upernavimmi piniartut Uummannarmiut qilalukkanik qernertanik pisassaannit 20-nik Siguup Nunaata kujataani pisassaannik tunineqarput.

Ulloq 06.12.2018 Qimusseriarsuaq kiisalu Qeqertarsuup tunua immikkut tamarmik 20-nik Naalackersuisunit pisassinneqarput.

Tabel 3: Aarrit pisarineqarsimasut amerlassusaat

Illoqarfik/ukioq	2014	2015	2016	2017	2018
Qaanaaq	67	74 (*)	74 (*)	73 (*)	34 (*)
Upernavik	9	8 (*)	8 (*)	8 (*)	12 (*)
Uummannaq	10	1 (*)	0 (*)	0 (*)	0 (*)
Ilulissat	2	1 (*)	3 (*)	0 (*)	1 (*)
Qeqertarsuaq	3	1 (*)	4 (*)	1 (*)	2 (*)
Qasigiannugit	0	0 (*)	0 (*)	0 (*)	0 (*)
Aasiaat	0	3 (*)	0 (*)	0 (*)	0 (*)
Kangaatsiaq	8	11(*)	9 (*)	9 (*)	7 (*)
Sisimiut	16	24 (*)	20 (*)	16 (*)	28 (4)
Maniitsoq	4	3 (*)	8 (*)	1 (*)	4 (*)
Tasiilaq	3	1 (*)	2 (*)	1 (*)	0 (*)
Ittoqqortoormiit	5	3 (*)	7 (*)	2 (*)	10 (*)
Katillugit	127	131	135	111	98

Tabel 4: Nannut pisarineqarsimasut amerlassusaat

Peqassuseq/Ukioq	2014	2015	2016	2017	2018
Avannaata Imaa	70	71	49	69	80
Ilulissat	1	1(5)	0 (*)	0 (5)	1 (*)
Kangaatsiaq	2	2(5)	1(*)	1(5)	3(3)
Qeqertarsuaq	3	5(5)	0 (*)	7(5)	0(3)
Qaanaaq (Savissivik)	17	18(10)	15(*)	17(*)	24(9)
Upernavik	39	41(5)	30(*)	38(6)	45(5)
Uummannaq	8	3(5)	3(*)	1(5)	3(*)
Aasiaat	0	1(5)	0 (*)	5(5)	4(3)
Ikersuaq Davis	3	0	3	5	0
Maniitsoq	0	0 (*)	1(4)	0 (3)	0 (*)
Nuuk	0	0 (*)	1(4)	0 (3)	0 (*)
Paamiut	2	0 (*)	1(4)	2(3)	0 (*)
Sisimiut	1	0 (*)	0(4)	3(3)	0 (*)
Kane Basin	6	6	4	3	7
Qaanaaq	6	6(10)	4()	3(*)	7(*)
TUNU	66	64	64	65	64
Ittoqqortoormiit	37	35(7)	35(4)	35(6)	35(4)
Nanortalik	2	4(8)	3(3)	3(6)	4(5)
Narsaq	2	0(8)	0(3)	0(6)	0 (5)
Qaqortoq	0	0(8)	1(3)	1(6)	0 (5)
Tasiilaq	25	25(6)	25(6)	26(7)	25(5)
Katillugit	145	141	120	142	152

Tabel 5: Tikaagullit pisarineqarsimasut amerlassusaat

Peqassuseq/Ukioq	2014	2015	2016	2017	2018
KALAALLIT NUNAATA KITAA	146 (*)	133 (*)	148 (*)	133 (*)	116 (*)
Qaanaaq	0	0	0	0	0
Upernavik	9	14	19	8	6
Uummannaq	7	8	6	8	5
Ilulissat	6	9	8	8	7
Qeqertarsuaq	13	9	7	7	3
Qasigiannnguit	3	2	2	5	4
Aasiaat	10	8	14	10	9
Kangaatsiaq	7	5	5	5	6
Sisimiut	17	22	28	20	11
Maniitsoq	27	24	17	25	29
Nuuk	20	10	13	12	10
Paamiut	8	7	7	6	4
Narsaq	3	2	7	6	8
Qaqortoq	12	9	9	10	12
Nanortalik	4	4	6	3	2
TUNU	11 (*)	6 (*)	15 (10)	10 (*)	2 (*)
Ittoqqortoormiit	0	0	0	0	0
Tasiilaq	11	6	15 (10)	10	2
Katillugit	157 (*)	139 (*)	163 (*)	143 (*)	118 (*)

Tabel 6: Tikaagulliusaat pisarineqarsimasut amerlassusaat

Peqassuseq/Ukioq	2014	2015	2016	2017	2018
KALAALLIT NUNAATA KITAA	12 (*)	12 (*)	9 (*)	8 (*)	5 (*)
Qeqertarsuaq	0	0	0	0	-
Ilulissat	4	5	4	3	1
Aasiaat	0	3	1	0	0
Kangaatsiaq	1	1	0	0	-
Sisimiut	4	1	1	1	2
Maniitsoq	0	0	1	1	0
Nuuk	1	1	0	0	1
Paamiut	2	1	2	3	1
Narsaq	0	0	0	0	-
Qaqortoq	0	0	0	0	0
Katillugit	12 (*)	12 (*)	9 (*)	8 (*)	5 (*)

Tabel 7: Qipooqqaat pisarineqarsimasut amerlassusaat

Peqassuseq/Ukioq	2014	2015	2016	2017	2018
KALAALLIT NUNAATA KITAA	7 (*)	6 (*)	5 (*)	2 (*)	6 (*)
Qeqertarsuaq	0	0	0	0	-
Ilulissat	1	0	0	0	0
Aasiaat	1	1	1	0	0
Kangaatsiaq	0	0	0	0	-
Sisimiut	0	1	0	0	0
Maniitsoq	1	1	0	0	0
Nuuk	4	2	2 (12)	0	3
Paamiut	0	0	2 (11)	1	3
Narsaq	0	0	-	-	-
Qaqortoq	0	1	0	1	0
Katillugit	7 (*)	6 (*)	5 (*)	2 (*)	6 (*)

Tabel 8: Arfiivit pisarineqarsimasut amerlassusaat

Peqassuseq/Ukioq	2014	2015	2016	2017	2018
KALAALLIT NUNAATA KITAA	0 (*)	1 (*)	0 (*)	0 (*)	0 (*)
Qeqertarsuaq	0	0	0	0	0
Ilulissat	0	1	0	0	0
Aasiaat	0	0	0	0	0
Kangaatsiaq	0	0	0	0	0
Sisimiut	0	0	0	0	0
Maniitsoq	0	0	0	0	0
Nuuk	0	0	0	0	0
Paamiut	0	0	0	0	0
Katillugit	0 (*)	1 (*)	0 (*)	0 (*)	0 (*)

Tabel 9: Tuttut pisarineqarsimasut amerlassusaat

Peqassuseq/Ukioq	2014	2015	2016	2017	2018
Qaanaaq	59	69	46	48	23
Ittoqqortoormiit	4	3			
Katillugit	63	72	46	48	23

Tabel 10: Umimmaat pisarineqarsimasut amerlassusaat

Peqassuseq/Ukioq	2014	2015	2016	2017	2018
Qaanaaq	101	114	89	86	58
Ittoqqortoormiit	115	111	93	97	78
Katillugit	216	225	182	183	136

2019-IMI PISASSIISUTIT:

2019-imi aavertassat:

Aalisarnermut, Piniarnermut Nunalerinermullu Naalakkersuisup 2019-imi aaffattassat akuerai. Biologit 2014-imit 2018-imit siunnersuineri tunngavigalugit aaverneq pisassiisoqarpoq aamma tusarniaareertoqarnerata kingorna politikikkullu aamma aalajangiinerup kingorna pisassiisoqarluni. Takuuk aavernik illersuineq piniarnerlu pillugit Namminersornerullutik Oqartussat nalunaarutaat normu 20, oktobarip 27-anneersoq 2006-imi §§ 3 aamma 4.

2019-imi aaffattassat 2018-imi pisassiissutigineqartut amerlaqatigivaat. Aaveqatigiikkaataat ima agguanneqarput :

Tabel 1. 2019-imi aaffattassat.

Aaveqatigiit	2019	Ilisimatuussutsikkut inassuteqaatit
Avannaata Imartaa	85	92 ¹⁾
Kitaani ukiuunerani aaveqatigiit	69	100 ²⁾
Tunami	18	20 ³⁾
Katillugit	172	

+/- Aqutsiveqarfimmi pineqartumi 2018-imi aaffattassat qaangerlugit pisarineqarsimappata, inatsisit naapertorlugit, taakku pisassiinermi ilanngaassutigineqassapput.

1) Aaffattassanik siunnersuineq takutinneqarpoq, pissat annaaneqarsimasullu ilanngunneqarput, aamma Canadami/Nunavumi pisarineqarsimasut ilanngunneqarlutik.

2) Aaffattassanik siunnersuineq takutinneqarpoq, pissat annaaneqarsimasullu ilanngunneqarput, aamma Canadami/Nunavumi pisarineqarsimasut ilanngunneqarlutik.

3) Aaffattassanik siunnersuineq takutinneqarpoq, Tunumi pissat annaaneqarsimasullu ilanngunneqarput.

Aqutsiveqarfinnut 2019-imi pisassat agguarneqarneri

Pisassiissutit kommuninut agguanneqartarput, taakku namminneerlutik aalajangertarpaat sumiiffimmut sorlermut pisassiissutigissallugit.

Tabel 2. Aarrit Kitaani pisassiissutigineqartut agguarneri

	Pisassiissutit 2019
Avannaata imartaa (Nordvandet)	
Qaanaaq	85
Kitaani	
Upernavik	22
Uummanaq	
Ilulissat	
Qeqertarsuaq	17
Qasigiannugit	
Aasiaat	
Kangaatsiaq	
Sisimiut	30
Maniitsoq	
Kitaani katillugit	69

Tabel 3. Aarrit Tunumi pisassiissutigineqartut agguarneri

	Pisassiissutit 2018
Tunumi	
Ittoqqortoormiit	18
Tasiilaq	
Tunumi katillugit	18

Aqutsiveqarfinnut 2019-imi pisassat agguarneqarneri

Pisassiissutit kommuninut agguanneqartarput, taakku namminneerlutik aalajangertarpaat sumiiffimmut sorlermut pisassiissutigissanerlugit. Agguaassinermi aaveqatigiikkuutaat amerlassusiisa killeqartinneqarnissaat isumagineqassaaq.

Aaffattassat katillugit 172-iupput.

Inatsit tunngavigineqartut

Aavernik piniarnermi inatsit tunngavigineqartoq tassaavoq Aavernik illersuineq piniarnerlu pillugit Namminersornerullutik Oqartussat nalunaarutaat normu 20, oktobarip 27-anneersoq, 2006-imi.

Aarrit pisarineqarsimangitsut nuunneqarneri – “Carry-over”

Aarrit ukiup siuliani pisarineqarsimangitsut ukiumut pisassiiffiusumut nuunneqarsinnaapput. Nuunneqartut pisassiissutaareersunut ilassutitut atorineqassanngillat.

2019-imi qilalugartassat:

Naalakkersuisut 2019-imut qaqortanut qernertanullu qilalugartassissutit januaarip 10-ani 2019 ataatsimiinnerminni aalajangerpaat. Qilalugartassissutit agguataarneri 2016-imiit 2020-imut qilalukkat pillugit uumassusilerisut siunnersuinerat, atuisut ilisimasaat tusarniaasoqareernerullu kingorna tunngavigalugit inissinneqarput, inatsit atuuttut naapertorlugit.

Qaqortanut qernertanullu qilalugartassissutit 2018-imut naleqqiullugit allannguuteqanngillat.

2018-imitut zone 3-mi qernertartassissutini 20-it Kullorsuarmi Nuussuarmilu piniartunik qaannamik pisassatut immikkoortinneqarput.

Takussutissiaq 1: Kitaani qilalukkat qernertat aqutsiveqarfinnut agguaallugit

Aqutsiveqarfik	Zone	2018-imi pisassiissutit	2019-imi pisassiissutit
litah	1	5	5
Qaanaaq	2	98	98
Savissivik	3	70	70
Upernavik			
Uummannaq	4	154	154
Ilulissat	5	5	5
Qeqertarsuaq		80	80
Qasigiannugit			
Aasiaat			

Kangaatsiaq			
Sisimiut			
Maniitsoq		6	6
Nuuk			
Paamiut		2	2
Narsaq			
Qaqortoq		4	4
Nanortalik			
Kitaani tamakkiisumik		424	424

Takussutissiaq 2: Tunumi qilalukkat qernertat aqutsiveqarfinnut agguallugit.

Aqutsiveqarfik	Zone	2018-imi pisassiissutit	2019-imi pisassiissutit
Ittoqqortoormiit	7	50	50
Tasiilaq	6	16	16
Tunumi tamakkiisumik		66	66

Takussutissiaq 3: Qilalukkat Qaqortat Kitaani aqutsiveqarfinnut agguallugit.

Aqutsiveqarfik	Zone	2018-imi pisassiissutit	2019-imi pisassiissutit
Qaanaaq	2	20 – ukiuni tallimani	20 – ukiuni tallimani
Savissivik	3	teknikkikut pisassiissutit*	teknikkikut pisassiissutit*
Upernavik			
Uummannaq	4	170	170
Ilulissat			
Qeqertarsuaq			
Qasigiannugit		80	80
Aasiaat			
Kangaatsiaq			
Sisimiut	5	50	50
Maniitsoq			
Nuuk		12	12
Paamiut			
Narsaq			
Qaqortoq		8	8
Nanortalik			
Tamakkiisumik		340	340

* Qaanaaq ukiuni 5-ini teknikkikut qaqortanik qilalugartassiissuteqarpoq.

2019-imi pisassiissutinik aqutsiveqarfinnut agguassineq

Pisassiissutit kommuninut agguanneqassapput, taakkulu aalajangissavaat qanoq iluaqutigineqassanersut. Pisassiissutinik agguassinermi eqqumaffigineqassaaq qilalugatigiiaat iluanni agguassineq pissammat.

Kommunalbestyrelsi agguassinissamini 2018-imi pisassiissutit sinnerinik sunngiffimmi piniartartunut inuussutissarsiutigalugulu piniartunut pisassiinissamini procentip (%) assinga atussavaa. Takuuk Qilalukkanik qaortanik qernertanillu illersuineq piniarnerlu pillugit Namminersortutik Oqartussat nalunaarutaat nr. 3, 27. januar 2017-imeersumi § 9 imm. 2 malillugu sunngiffimmi piniartartut aqutsiviup qilalukkanik qaortanik qernertanillu pisassiissutaasa 0-10 %-iisa akornanni amerlassuseqartunik kommunalbestyrelsimit pisassinneqarsinnaapput kiisalu Tunumi 0-15 %-ii.

Inatsit tungaviusoq

Qilalugarniarnermut atatillugu aalajangersakkat qilalukkat illersugaanerat piniagaanerallu pillugit Namminersortutik Oqartussat Nalunaarutaat nr. 3, 27. januar 2017-imeersumi erseqqissumik aalajangersarsimapput.

Pisassiissutininik pisarinngitsuukkanik nuussineq – "Carry-over"

Ukiup siuliani pisassiivimmi pisassiissutit nungunneqanngitsoortut ukiup pisassiviup tullianut nuunneqassapput. Nuussinermi ukiumiit ukiumut amerliartortitsinngitsoq atorneqassaaq.

2018-imi inaarutaasumik pisat januaarip 31-iata 2019 kingorna misissorneqassapput, tamatumalu kingorna 2019-imi pisassiissutit nalimmassarneqarsinnaallutik.

2019-imi nannuttassat:

Nannuttassiissutissat Aalisarnermut, Piniarnermut Nunalerinermullu Naalakkersuisumit akuerineqarput. Nannuttassiissutissat ilisimatuussutsikkut inassuteqaatit, tusarniaanermik naalakkersuinikkullu aalajangiinerit aallaavigalugit agguanneqarput.

Agguassinerit ima isikkoqarput:

Takussutissiaq 1: 1-1-2019-imiit nannuttassiissutit

Nanoqatigiit	2018	2019
Kane-p Imartornga (Qaanaaq, Savissivik ilanngunnagu)	9	9
Baffinip Ikera (Savissivik - Kangaatsiaq)	80	80
Davis Strædi (Paamiut – Sisimiut)	3	3
Avannaa Kitaalu katillugit:	92	92
Kangia Kujataalu (Kalaallit Nunaata Kangia, Narsaq, Qaqortoq aamma Nanortalik)	64	64
Katillugit	156	156

Takussutissiaq 2: Pisassat aqutsiveqarfinnut agguarneqarneri ima isikkoqarput:

Kane-p Imartornga	Pisassiissutit	Nunatta Kangia	Pisassiissutit
Siorapaluk	9	Ittoqqortoormiit	35
Qaanaaq		Tasillaq	25
Qeqertat		Nanortalik	4
Moriusaq		Qaqortoq	
		Narsaq	
Baffin-ip Ikera		Pisassiissutit	
Savissivik (+ Qaanaaq)			24
Upernavik			44
Uummannaq			5
Ilulissat			
Qeqertarsuaq			7
Qasigiannugit			
Aasiaat			
Kangaatsiaq			

Ikersuaq Davis	Pisassiissutit
Sisimiut	3
Maniitsoq	
Nuuk	
Paamiut	

Aqutsiveqarfinni tamani nannuttassiissutit ukiup siulianut sanilliullugit allannguuteqanngillat. APNN pineqartut ilaannut tunngatillugu inassuteqaatinik nutaanik tigusaqarnikuunngilaq. 2019-imi nannuttassiissutit atunngitsuukkat 2020-imut ingerlaqqissapput (carry-over), taamatut nuussinermi ukiumiit ukiumut amerliartortitsinngitsoq atorneqassaaq, nanoqatiigiit kommunillu iluanni.

NUNA TAMAKKERLUGU 2019-IMI ARFATTASSAT:

Kalaallit Nunaata arfernik angisuunik pisassai Arfanniarnermut Ataatsimiititaliarsuup (IWC), pisassiissutit angissusissaannik aalajangiisartuusup, siunnersuuteqarnera tunngavigalugu aalajangerneqartarput. Ukiunut 7-nut atuuttumik tikaagulliusaanik, arfivinnik, qipoqqarnik Kitaanilu tikaagullinnut kiisalu Tunumi tikaagullinnut pisassiissutit 2019-2025-imut atuuppoq.

Malugineqassaaq pisassiissutit annertussusissavii 31. december 2018-p kingornagut aalajangerneqarumaarmata tamannalu pillugu allannguallatitsisoqarsinnaavoq. 2019-imut pisassiissutit imaapput.

Tikaagulliusaaq

Kitaanut 2019-imi pisassiissutit tamakkerlugit tikaagulliusaat 19-upput. Angallatit tikaagulliusaarnissamut teknikkikkut piumasaqaatinik nalunaarutini ataani taaneqartunik naammassinnissimasut akuerineqarsimasut 1. januarimiit 31. decemberimut tikaagulliusaarniarsinnaapput.

Arfivik

Kitaanut 2019-imi arfiivit marluk pisassiissutigineqarput. Angallatit, pingaartumik Qeqertarsuup Tunuani angerlarsimaffeqartut arfivinniarnissamut teknikkikkut piumasaqaatinik nalunaarutini ataani taaneqartunik naammassinnissimasut akuerineqarsimasut 1. aprilimiit 31. decemberimut arfivinniarsinnaapput. Piniarnerup isumannaatsumik ingerlanneqarnissaa eqqanaarniarlugu ukiut siuliinitut piumasaqaatinik piumasaqartoqassaaq Namminersorlutik Oqartussat, Kommuneet aamma piniartut akornanni suleqatigiilluarnissamik piumasaqartumik.

Qipoqqaq

Kitaanut 2019-imi qipoqqartassiissutit tamakkerlutik quliupput. Angallatit qipoqqarniarnissamut teknikkikkut piumasaqaatinik nalunaarutini ataani taaneqartunik naammassinnissimasut akuerineqarsimasut 1. januarimiit 31. decemberimut qipoqqarniarsinnaapput.

Tikaagullik

Kitaa

2019-imi Kitaani tikaagullittassat tamakkerlutik 164-iupput. Angallatit kiisalu ataatsimoorussamik tikaagullinniarnissamut teknikkikkut piumasaqaatinik nalunaarutini ataani taaneqartunik naammassinnissimasut akuerineqarsimasut 1. januarimiit 31. decemberimut tikaagullinniarsinnaapput.

Tunu

2019-imi Tunumi tikaagullittassiissutit tamakkerlutik 20-iupput. Ataatsimoorussamik tikaagullinniarnissamut teknikkikkut piumasaqaatinik nalunaarutini ataani taaneqartunik naammassinnissimasut akuerineqarsimasut 1. januarimiit 31. decemberimut tikaagullinniarsinnaapput.

Nunatta Kitaanut Tunumullu tamakkiisumik:

Ukiumi tullermi nunap immikkoortukkaarlugit pisassiissutissat pisassiissutinik agguasartoqatigiit tusarniarneqareerpatat tusagassiorfitsigut nalunaarutigineqarumaarput.

2019-mi pisassiissutit 2018-mi pisarineqanngitsoortunik nuussisoqarsinnaanera pillugu nalimmassarneqarsinnaapput. Taakkua immikkut nalunaarutigineqarumaarput.

Piniarnissani piunasaqaatit (www.inatsisit.gl)

Arfernik angisuunik piniarneq ingerlanneqassaaq takuuk:

- Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersoq
- Arfattat angisuut pissatallu nalunaarutigineqartarnerat pillugu Namminersorlutik Oqartussat nalunaarutaat nr. 12, 16. juli 2010-meersoq.

2019-imi tikaagullittassat*Kitaani*

2019-imi Kitaani tikaagullittassat tunngaviusumik 164-iupput. Pisassiissutit agguanneqassapput angallatinut tuukkartalinnik qamutililinnut 114-t aamma ataatsimoorluni piniatigijinnermut 50-it. Angallatit kiisalu ataatsimoorluni tikaagullinniarnissamut teknikikkut piunasaqaatinik nalunaarutini ataani taaneqartunik naammassinnissimasut akuerineqarsimasut nalunaarut atuuttoq malillugu 1. januarimiit 31. decembarimut tikaagullinniarsinnaapput.

ATAATSIMOORLUNI - tikaagullit 2019		
Kalaallit Nunaata Kitaani*	Pisat 2018	Pisassiissutit 2019 (2018)
Qaanaaq	0	1 (1)
Upernavik	6	6 (5)
Uummannaq	5	5 (6)
Ilulissat	1	2 (2)
Qeqertarsuaq	7	3 (3)
Qasigiannugit	4	3 (2)
Aasiaat	5	3 (4)
Kangaatsiaq	6	3 (3)
Sisimiut	4	3 (3)
Maniitsoq	15	4 (4)
Nuuk	2	3 (3)
Paamiut	2	3 (3)
Narsaq	8	4 (4)
Qaqortoq	3	3 (3)
Nanortalik	2	4 (4)
* Qaanaaq, Upernavik, Uummannaq, Qasigiannugit, Narsaq aamma Nanortalik 1. januar 2019-imi qamutilinnik tuukkartalinnik angallateqanngillat		

Kangia

2019-imi Kangiani tikaagullittassiissutit tunngaviusumik ukiumut 20-upput. Ataatsimoorussamik tikaagullinniarnissamut teknikikkut piunasaqaatinik nalunaarutini ataani taaneqartunik naammassinnissimasut akuerineqarsimasut 1. januarimiit 31. decembarimut tikaagullinniarsinnaapput.

ATAATSIMOORLUNI - tikaagullit 2019		
Kalaallit Nunaata Kangiani tikaagullit*	Pisat 2018	Pisassiissutit 2019 (2018)
Ittoqqortoormiit	0	8 (5)

Ammassalik	2	12 (10)
* Ittoqqortoormiit aamma Ammassalik 1. januar 2019-imi angallatinik tuukkartalinnik qamutililinnik peqanngillat		

Tunngaviumik pisassiissutinik januaarimi aaqqiisoqassaaq pisarinngitsuukkat nuunneqarnissaat eqqarsaatigalugu. Pisarinngitsuukkanik nuussinermi (carry-over) periaaseq IWC-mi ataatsimiinnermi kingullermi (IWC 67, septembari 2018) akuerineqartoq malinneqassaaq.

Malugeqquneqarpoq Kalaallit Nunaata Kitaani pisarinngitsuukkanik nuussisinaanermi killissarititaasoq tikaagullinnit 15-niit 50%-mut qaffanneqassasoq, tassalu annerpaamik tikaagullit 82-it. Ilisimatussutsikkut ataatsimiititaliap nalunaarutigereepaa nuussisinaanermi killissarititaasumik qaffaaneq pineqartoq piujuaannartitsinermut kinguneqassanngitsoq. Kalaallit Nunaata Kitaani pisassiissutinik pisarinngitsuukkanik kattussisinaanermut ukioq aallartiffiusoq 2018-iuvoq.

Malugeqquneqarpoq Kalaallit Nunaata Kangiani 2019-mi aamma 2020-mi pisarinngitsuukkanik nuussisinaanermi killissarititaasoq tikaagullit pingasuusut. Taassuma kingorna pingasuniit 50%-mut qaffanneqassaaq, tassalu annerpaamik tikaagullit qulit. Ilisimatusarnermut ataatsimiititaliap nalunaarutigereepaa nuussisinaanermi killissarititaasumik qaffaaneq pineqartoq piujuaannartitsinermut kinguneqassanngitsoq. Kalaallit Nunaata Kangiani pisassiissutinik pisarinngitsuukkanik kattussisinaanermut ukioq aallartiffiusoq 2020-iuvoq.

Eqqarsaatigineqarpoq kommunerujussuit nammineerlutik pisassiissutit sinnerinik agguasseqqittarsinnaasut, immaqqa ullormik aalajangersimasumik piffissalerlugit pisaasut aqunneqarnissaat aammalu pisassiissutit paggatassiissutigineqannginnissaat siunertaralugu, Naalakkersuisoqarfik ingerlaannartumik agguasseqqinnermut tunngasunik piaartumik ilisimatittaralugu. Naalakkersuisunut ilaasortap kommunit ataasiakkaat akornanni agguasseqqittarnerit isumagisassaraa.

§ 9, imm. 1 naapertorlugu APNN kingusinnerpaamik ulloq 1. septembari pisassiissutinik sinnerusinnaasimasunik agguasseqqinnissamut pisussaavoq KNAPK aamma kommunit tusarniareerlugit.

Piniarnissani piumasagaatit (www.inatsisit.gl)

Arfernik angisuunik piniarneq ingerlanneqassaaq takuuk:

- Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersoq
- Arfattat angisuut pissatallu nalunaarutigineqartarnerat pillugu Namminersorlutik Oqartussat nalunaarutaat nr. 12, 16. juli 2010-meersoq.

Kalaallit Nunaanni arferit anginerit pisassat Arfanniarnermut Ataatsimiititaliarsuup (IWC), pisassiissutinik aalajangiisartuusup, inassuteqarnera tunngavigalugu aalajangersorneqartarput. Ataatsimoortumik ukiunut 7-nut atuuttumik tikaagulliusaanik, arfivinnik, qipoqqanik Kitaanilu tikaagullinnik aammalu Tunumi tikaagullinnik pisassiissutit 2019-2025-imut atuupput. Ukioq pisassiiffiusoq naagaangat nalilersuineqartartussaavoq, ukiumut tullermut pisassiinissamut nutaamik inassuteqaateqartoqarsimassagaluarpas pisassanillu qaangiisoortoqarsimansoq nalilersorlugu.

2019-imi Ukiuunerani tututassat umimmattassallu:

Matumuuna ukiuunerani 2019-imi tutunniarnissamut umimmanniarnissamullu piffissaliussat, tututassiissutit kiisalu umimmattassiissutit aalajangerneqartut nalunaarutigineqarput. Ukiuni makkunani Pinngortitaleriffimmiit tutunniit aamma umimmannik pisortatigoortumik kisitsisoqarpoq; Piniarfik 2-mi (Sisimiut-Kangerlussuaq) martsimi 2018-mi kisitsisoqarpoq Piniarfik 3-milu (Akia-Maniitsoq) aamma Piniarfik 4-mi (Ameralik) martsimi 2019-mi kisitsisoqassalluni. Tamanna pillugu ukiuunerani tutunniarneq aamma umimmanniarneq taamaallaat

15. februaari 2019 ilanngullugu ingerlassaaq tutut aamma umimmaat kisitsineq sioqqullugu akornusersornaveersaarlugit.

Tuttut

1. Ukiuunerani inuussutissarsiutigalugu tutunniarneq piniarfinni makkunani piffissami 1. februaarimiit 2019-imi 15. februaari ilanngullugu ingerlassaaq:
Piniarfik 1 - Naternaq - Tuttutassiissutit 100-t.
Piniarfik 2 – Sisimiut-Kangerlussuaq – Tuttutassiissutit 200-t.
Piniarfik 3 – Akia-Maniitsoq – Tuttutassiissutit 200-t.
Piniarfik 4 – Ameralik – Tuttutassiissutit 100-t.
Piniarfik 5 – Qeqertarsuatsiaat – Tuttutassiissutit 100-t.
Piniarfik 6 – Qassit – Tuttutassiissutit 100-t.
Piniarfik 7 – Neria – Tuttutassiissutit 100-t.
Piniarfik 8 – Nuussuaq – Tuttutassiissutit 100-t.
2. Aqutsiveqarfik Qaanaaq: Nuna Inglefield-mi aamma Prudhoe-mi ukiuunerani 2019-mi inuussutissarsiutigalugu aamma sunngiffimmi tutunniarneq 1. januaarimiit 30. april ilanngullugu ingerlassaaq tassanilu ukiaanerani 2018-miit tututassiissutit sinneruttut pineqarlutik. Kangerluarsorujak-mi tutut kumallit ukiuunerani killeqanngitsumik piniarneqassapput.

Tunngavilersuutit: Piniarnermut Naalakkersuisoq aalajangerpoq Piniarfik 1-mi, 2-mi, 3-mi, 4-mi, 5-mi, 6-mi, 7-mi kiisalu 8-mi killilimmik ukiuunerani inuussutissarsiutigalugu tutunniartoqassasoq. APNN-ip kommunit qanimut suleqatigalugit akuersissutinik utertitsisarneq malinnaaffigivaa, utertinneqartannginnerat taamatullu pisanik nalunaaruteqartannginneq piniartunut ataasiakkaanut akuersissutinik qinnuteqarsinnaanissamut ukiuni aggersuni kinguneqassaaq.

Erseqqissaatigineqassaaq qamuteralaat, ATV-t kiisalu qamutit motorinik ingerlatillit allat tutunuk malersuinermi piniarnermilu atornissaat inerteqqutaasoq assartuutillu motorillit tutunut minnerpaamik 500 meterinik ungasissuseqassasut.

Umimmaat

3. Aqutsiveqarfik Maniitsoq: Piniarfik 1-imi, Piniarfik 3-mi aamma Piniarfik 4-mi ukiuunerani umimmanniarneq sivikillineqarpoq aatsaallu 25. januaarimi 2019-mi aallartissaaq 15. februaari ilanngullugu ingerlassalluni tiggaat aamma kulavaat norrallit piniqqusaanatik. Piniarfik 1-mi assartuutit motorillit atoqqusaanngillat kisianni Piniarfik 3-mi aamma Piniarfik 4-mi motorilinnik pisanik assartuisoqarsinnaavoq. Piniarfik 2-mi ukiuunerani 2019-mi umimmannik kisitsisoqarnissaa pillugu umimmanniartoqassanngilaq.
4. Aqutsiveqarfik Sisimiut: Ukiuunerani umimmanniarneq matoqqavoq.
5. Umimmaqarfik Naternaq: Inuussutissarsiutigalugu aamma sunngiffimmi umimmanniarneq kisitsisoqareernissaata tungaanut ukiuni marlunni ukioq kaajallallugu matuneqassaaq.
6. Umimmaqarfik Ivittuut: Ukiuunerani umimmanniarneq matoqqavoq.
7. Umimmaqarfik Sigguk: Ukiuunerani umimmanniarneq matoqqavoq.
8. Aqutsiveqarfik Ittoqqortoormiit: Ukiuunerani 2019-mi inuussutissarsiutigalugu aamma sunngiffimmi umimmanniarneq marsi naallugu ingerlassaaq aqutsiveqarfimmilu umimattassiissutit 60-iullutik.
9. Aqutsiveqarfik Qaanaaq: Nuna Inglefield-mi Prudhoe-milu aamma Qooqunni ukiuunerani 2018-mi inuussutissarsiutigalugu aamma sunngiffimmi umimmanniarneq 1. januaarimiit 15. april ilanngullugu ingerlassaaq tassanilu ukiaanerani 2018-miit umimattassiissutit sinneruttut pineqarlutik.

Umimmaqarfiulersimasuni allani s.a. Nanortalik, Nuup Kangerluani, Narsap avannaatungaani il.il. umimmanniartoqassanngilaq.

Tunngavilersuutit: Aqutsiveqarfik Ivittuuni Juunimi 2017-imi aamma 2018-mi umimmannik minnerpaaffiliinikkut kisitsisoqarnikuunera tunngavigalugu ukiuunerani 2019-mi umimmanniartoqassanngilaq. Ivittuuni umimmaat maannakkut amerlavallaarunnaarnerat tunngavigineqarpoq.

Umimmaqarfik Naternami umimmaat ikinnerungaatsialernerat tunngavilersuutigineqarpoq.

Aqutsiveqarfik Sisimiut-ni marsimi 2018-mi kisitsinermi paasineqarpoq umimmaat amerlavallaanngitsut taamaammallu tassani ukiuunerani umimmanniartoqassanngilaq.

Aqutsiveqarfik Maniitsoq-mi Piniarfik 2-mi ukiuunerani 2017-mi umimmannik kisitsineq ukiuuneranilu 2015-mi, 2016-mi matoqqagallannerani misilittakkat tunngavigalugit ukiuunerani 2019-mi matoqqassaaq. Piniarfik 2-mi ukiuunerani 2019-mi umimmannik minnerpaaffiliinikkut kisitsisoqassaaq.

Pinngortitaleriffimmiit martsimi 2018-mi kisitsinermit aamma nakkutilliisup ukiuni kingullerni umimmannik misissuisarneratigut paasineqarpoq Piniarfik 3-mi aamma Piniarfik 4-mi umimmaat nunaminertani ukiuunerani tikinneqarsinnaasuni akuttuvallaalersut. Umimmaat amerlanerit nunaminertanut naggorlunnerusunut tikinneqarsinnaanngitsunullu ungavarsimapput norraallu tassani kisitsinerup nalaani takuneqartut amerlanngillat. Assartuutit motorillit ukiuunerani atorineqartut umimmannut akornusiisarnerat pequtaatinneqarpoq. Ukiuunerani umimmanniartartut assartuutit motorillit atuinermini assartuineq aamma piniarneq immikkoortittariaqalerpaat umimmannut ungasissuseqarnissaq pillugu maleruagassat malinneqartariaqarlutik. Taamaaliornikkut aatsaat ilorraap tungaanut aallartoqassaaq.

Assartuutit motorillit umimmannut akornutaanerit millisarniarlugu ukiuunerani umimmanniarneq sivikillineqarpoq maannakkullu 25. Januarimit 15. Februaari ilanngullugu ingerlanneqarnissaa aalajangerneqarpoq. Taamatut iliuseqarnikkut umimmaat nunaminertanut tikinneqarsinnaasunut naggorinnerusunullu uteqqinnissaat aamma norraat amerlatseqqinnissaat anguniarneqarpoq soqutigisaqaqatigiinnut tamanut iluaqutaasussamik.

APNN-miit erseqqissaatigineqarpoq assartuutit motorillit umimmannik malersuinermi piniarnermilu atornissaat inerteqqutaasoq umimmannullu minnerpaamik 500 meter-nik ungasissuqassasut. Erseqqissaatigineqarportaaq Kangerlussuup eqqaani Piniarfik 3-mi aamma Piniarfik 4-mi inuussutissarsiuugalugu piniartut kisimik susassaqtut.

Sunngiffimmi piniarnermut allagartap 1. maaji sioqqullugu akilereersimanissaa pillugu piumasaqaat atuutinneqarpoq. Taamatullu sunngiffimmi piniarnissamut akuersissutit inunnut qaangiuttuni marlunni nalunaarsorneqareersimasunut taamaallaat tunniunneqarsinnaanerit pillugu piumasaqaat atuutinneqarluni.

Sukumiinerusumik paasisaqarusukkaanni immikkoortortaqaqfimmi pisortaq Amalie Jessen attavigiuk, oqarasuaat 34 53 04, e-mail: amalie@nanog.gl

Ilanngussaq 1: Nunap immikkoortuini piniarnissamut piffissat pisassiisutillu.

Ilanngussaq 2: Kalaallit Nunaata kitaani tutunut Piniarfik 1-11.

Ilanngussaq 3: Kalaallit Nunaanni umimmaqatigiit.

Ilanngussaq 4: Maniitsup Aqutsiveqarfiani umimmannut Piniarfik 1, 2 aamma 3.

Ilanngussaq 5: Maniitsup Aqutsiveqarfiani umimmannut Piniarfik 4.

Ilanngussaq 1: Nunap immikkortuni piniarnissamut piffissaliussat pisassiisutillu

Tuttussagaanni umimmassagaannilu akuersissuteqarnissaq piumasarineqarpoq. Takussutissani ataaniittuni pisassiisutit agguarneri piniarnissamullu piffissat aqutsiveqarfinni ataasiakkaanni qanoq inissisimanersut takuneqarsinnaapput.

Pisarineqartut PINIARNEQ-mi pisaqarnermi immersugassaq atorlugu nalunaarutigineqartussaapput immikkullu immersugassaq akuersissutit tunuaniittoq kommunemut utertinneqartussaalluni.

Tuttuttassiisutit tutunniarnissamullu piffissaliussat – Ukiuunerani 2019

Kalaallit Nunaata Kitaa B – Piniarfik 1-8		
Nunap immikkoortua	Pisassiisut	Piniarnissamut piffissaliussat
Naterna (Piniarfik 1)	100	Inuussutissarsiuugalugu piniarneq: 1. februaari - 15. februaari

Sisimiut-Kangerlussuaq (Piniarfik 2)	200	Inuussutissarsiutigalugu piniarneq: 1. februaari – 15. februaari
Akia-Maniitsoq (Piniarfik 3)	200	Inuussutissarsiutigalugu piniarneq: 1. februaari - 15. februaari
Ameralik (Piniarfik 4)	100	Inuussutissarsiutigalugu piniarneq: 1. februaari – 15. februaari
Qeqertarsuatsiaat (Piniarfik 5)	100	Inuussutissarsiutigalugu piniarneq: 1. februaari – 15. februaari
Qassit (Piniarfik 6)	100	Inuussutissarsiutigalugu piniarneq: 1. februaari – 15. februaari
Neria (Piniarfik 7)	100	Inuussutissarsiutigalugu piniarneq: 1. februaari – 15. februaari
Nuussuaq (Piniarfik 8)	100	Inuussutissarsiutigalugu piniarneq: 1. februaari – 15. februaari
Katillugit	1000	
<p>Kommunit tututassiissutit inuussutissarsiutigalugu piniartunut agguaatissavaat. Qamuteralaat, ATV-t assartuutillu mootorillit allat tutunik malersuinermi piniarnermilu atornissaat inerteqqutaavoq tutunullu minnerpaamik 500 meterinik ungasissuseqassapput.</p>		

Kalaallit Nunaata Kitaa A - Aqutsiveqarfik Qaanaaq		
Nunap immikkoortua	Pisassiissut	Piniarnissamut piffissaliussat
Nuna Inglefield (Piniarfik 10)	86-it sinnerat	Inuuss. aamma sunng. piniarneq: 1. januaari - 30. aprili
Nuna Prudhoe (Piniarfik 10)	86-it sinnerat	Inuuss. aamma sunng. piniarneq: 1. januaari – 30. aprili
Kangerluarsorujak	Killeqanngillat	Inuuss. aamma sunng. piniarneq: 1. januaari – 30. aprili
Katillugit	172-it sinnerat	
<p>Avannaata Kommunia piffissami 1. januarimiit 30. aprili mut piniarnissamut piffissaliussanik aalajangiissinnaavoq. Avannaata Kommuniata pisassiissutit aqutsiveqarfimmi inuussutissarsiutigalugu sunngiffimmilu piniartunut agguassavai. Qamuteralaat, ATV-t assartuutillu mootorillit allat umimmannik malersuinermi piniarnermilu atornissaat inerteqqutaavoq umimmannullu minnerpaamik 500 meterinik ungasissuseqassapput.</p>		

**Umimmattassiissutit umimmanniarnissamullu piffissaliussat
Ukiuunerani 2019**


Aqutsiveqarfik Qaanaaq		
Piniarfik	Pisassiissutit	Piniarnissamut piffissaliussat
Nuna Inglefield aamma Nuna Prudhoe	60-t sinnerat	Inuuss. sunngiffimmilu piniarneq: 1. januaari - 15. aprili

Qooqqut	40-t sinnerat	Inuuss. sunngiffimmilu piniarneq: 1. januaari - 15. aprili
Katillugit	100-t sinnerat	
<p>Avannaata Kommunia piffissami 1. januaarimiit 15. aprili mut piniarnissamut piffissaliussanik aalajangiissinnaavoq. Avannaata Kommuniata pisassiissutit aqutsiveqarfimmi inuussutissarsiutigalugu sunngiffimmilu piniartunut agguassavai. Qamuteralaat, ATV-t assartuutillu motoorillit allat umimmannik malersuineri piniarnermilu atornissaat inerteqqutaavoq umimmannullu minnerpaamik 500 meterinik ungasissuseqassapput.</p>		


Aqutsiveqarfik Maniitsoq		
Aqutsiveqarfik	Pisassiissutit	Piniarnissamut piffissaliussat – Piniarfik 1
Tamarmik	Ammavoq	Inuuss. sunngiffimmilu piniarneq: 25. januaari – 15. februaari
Aqutsiveqarfik	Pisassiissutit	Piniarnissamut piffissaliussat – Piniarfik 2
Matoqqavoq	Matoqqavoq	Matoqqavoq
Aqutsiveqarfik	Pisassiissutit	Piniarnissamut piffissaliussat – Piniarfik 3
Tamarmik	Ammavoq	Inuussutissarsiutigalugu piniarneq: 25. januaari - 15. februaari
Aqutsiveqarfik	Pisassiissutit	Piniarnissamut piffissaliussat – Piniarfik 4
Tamarmik	Ammavoq	Inuussutissarsiutigalugu piniarneq: 25. januaari - 15. februaari
<p>Kommunit umimmannu akuersissutit inuussutissarsiutigalugu sunngiffimmilu piniartunut agguassavai. Kangerlussuup eqqaani nunaminertat piniarfigeqqusaanngitsut akuersissutini takuneqarsinnaapput. Piniarfik 3-mi qamuteralaanik ATV-nillu atuineri Qeqqata Kommuniata ileqqoreqqusaa malinneqassaaq. Qamuteralaat ATV-t assartuutillu allat umimmannik malersuineri piniarnermilu atornissaat inerteqqutaavoq umimmannullu minnerpaamik 500 meterinik ungasissuseqassapput.</p>		

Ittoqqortoormiuni umimmaqarfik		
Umimmaqarfik	Pisassiissutit	Piniarnissamut piffissaliussat
Scoresbysundip Kangerluani, Jameson- ip aamma Liverpool-ip nunaanni	60	Inuuss. sunngiffimmilu piniarneq: 1. martsii - 31. martsii
<p>Kommuneqarfik Sermersuup pisassiissutit aqutsiveqarfimmi inuussutissarsiutigalugu sunngiffimmilu piniartunut agguassavai. Qamuteralaat ATV-t assartuutillu allat umimmannik malersuineri piniarnermilu atornissaat inerteqqutaavoq umimmannullu minnerpaamik 500 meterinik ungasissuseqassapput.</p>		


Ilanngussaq 2: Kalaallit Nunaata Kitaani tutunuk Piniarfik 1-11




Ilanngussaq 3: Kalaallit Nunaanni umimmaqatigiit



Ilannugsaq 4: Maniitsup aqutsiveqarfiani umimmannut Piniarfik 1, 2 aamma 3



Ilannugsaq 5: Maniitsup aqutsiveqarfiani umimmannut Piniarfik 4-mut siunnersuut.





Naalakkersuisoq for Fiskeri, Fangst og
Landbrug
Jens Immanuelson
Via email: apnn@nanoq.gl

Dato: 02-05-2019
J.nr.: 01.36.01.03-00086

Ataatsimiititaliap UPA2019/221-mik suliarineranut tunngatillugu apeqquaqaatit Piniakkat killilersukkat Avanersuarmi ltoqqortoormiinu qilalukkat qernertat qaqqortallu, aaveq aamma nanoq pillugit periarfissaqarnersoq misissuisoqassasoq, kiisalu sunik suliniutinik killilersuisoqarunnaarnissaa pillugu Naalakkersuisut UPA2020-imut peqquneqarnissaannik Inatsisartut aalajangiiffigisassaattut siunnersuut.

Naalakkersuisut immikkoortunut 193-mut aamma punkt 221-mut akissuteqaatit oqaaseqaatimini Nalaakkersuisut ilisimatitsissutigaa ukioq kingulleq Avanersuarmi umimmannik, nannunik, qilaluk-kanik qaqqortanik, qilalukkanik qernertanik, aavernillu pisassiissutit siorna sinneqarmata. Tunumi umimmaat, aavernik tikaagullinnillu sinneqarput. Kalaallit Nunaata Kitaani qilalukkanik qaqqortanik, qilalukkanik qernertanik, aavernik, nannunik, tikaagulliusaanik, qipoqqanik arfivinnillu pisassiissutit sinneqartut.

Akissuteqaatit oqaaseqammi aamma takuneqarsinnaavoq Naalakkersuisut naliliisoq qasukaallatsitsinermi imaluunniit killilersugaanngitsumik pisassiisoqassappat piujuaannartitsinissamik Kalaallit Nunaatalu tatiginassusaanik innarliissasoq.

Ataatsimiititaliap pisassiissutinut nalunaarsuutit, pisarineqarsimasut nalunaarsorneqarneri akissuteqaatitullu oqaaseqaammi ukiuni kingullerni immikkoortuni pineqartuni tallimani uumasunut taaneqartunut tamanut pisassiissutit sinnerussimasut nalunaarsorneqarneri pissallugit kissaatigaa.

Ataatsimiititaliattaq qasukaallaatsitsinermi piujuaannartitsinissap innarlerneqariataarsinnaaneranut pissutsit qanoq innerannik itisiliisoqarnissaa kissaatigaa.

Ataatsimiititaliattaq aamma qasukaallaatsitsinermi killilersuiinnaarnerulluunniit isigineqarnitta innarlerneqariataarsinnaanerannut pissutsit qanoq innerannik itisiliisoqarnissaa kissaatigaa.

Spørgsmål i forbindelse med udvalgets behandling af FM2019/221 - Forslag til Inatsisartutbeslutning om, at Naalakkersuisut pålægges til FM2020 at undersøge

mulighederne for samt hvilke tiltag der skal til for at ophæve kvotering af fangst dyr ved Avanersuaq og Ittoqqortoormiit om narhvaler, hvidhvaler, hvalros og isbjørne.

I Naalakkersuisuts svarnotat vedr. punkt 193 og punkt 221 oplyser Nalaakkersuisut at der sidste år var restkvoter på moskusokse, isbjørn, hvidhval, hvalros og narhval i Avanersuaq. I Østgrønland var der restkvoter for moskusokse, hvalros og sildepiskere, og i Vestgrønland var der restkvoter på hvidhval, narhval, hvalros, isbjørn, finhval, pukkelhval og grønlandshval.

Af svarnotatet fremgår det tilige, at Naalakkersuisut vurderer, at en lempeligere eller fri kvotering vil kompromittere bæredygtigheden og skade Grønlands troværdighed.

Udvalget ønsker en oversigt over kvoter, registreret fangst samt restkvote for hver af de i svarnotatet nævnte fangst dyr for de seneste 5 år i de relevante områder.

Udvalget ønsker endvidere en umiddelbar uddybning af den konkrete bæredygtighedsrisiko ved en lempeligere eller fri kvotering.

Udvalget ønsker dertil en umiddelbar uddybning af den konkrete omdømmerisiko ved en lempeligere eller fri kvotering.

En besvarelse af udvalgets spørgsmål bedes sendt på grønlandsk og dansk til ina@ina.gl samt med kopi til udvalgets sekretær på nama@inatsisartut.gl senest den 9. Maj 2019.

Med venlig hilsen

Henrik Fleischer

Formand for Fiskeri,- Fangst og Landbrugsudvalget

Kopi: Departementchef Jørgen Isak Olsen, email: jio@nanoq.gl



Ilanngussaᑦ Bilag 3

Aalisarnermut, Piniarnermut Nunalerinermullu
Naalakkersuisoq
Jens Immanuelson
mailikkut: apnn@nanog.gl

Ulloq: 17-05-2019

J.nr.: 01.36.01.03-00086

Marlunngornermi 21. maj 2019 nal. 10.00-inut, Ataatsimiittarfik Erling Høeghimi Aalisarnermut, Piniarnermut, Nunalerinermullu Ataatsimiititaliaq siunersiuinissamut Naalakkersuisumik aggersaavoq.

Matumuuna Aalisarnermut, Piniarnermut Nunalerinermullu Ataatsimiititaliap Aalisarnermut, Piniarnermut Nunalerinermullu Naalakkersuisumik siunersiuinissamut aggersaavoq.

Naalakkersuisoq immikkoortoq 175-ip siullermeerneqarnerani oqarpoq, aqutsiveqarfiit allanngortinneqarnissaat pilersaarutaasoq. Naalakkersuisut aalisakkanik pisassiisuteqarfinnik immikkoortunik allannguiniarneranut tunngatillugu, ataatsimiititaliap paasinninnera malillugu, ataatsimiititaliap aalajangiiffigisassatut siunnersuutitut immikkoortunut 193-mik aamma 221-mik suliarinninneranut allannguutit sunniuteqartussaapput.

Tamatuma avataatigut naalakkersuisut pisassiisuteqanngitsumik qaleralinnik aalisarneq qanoq iliuseqarfiginiarneraat tusagaqarfigissallugu.

Ataatsimiititaliap siunersiuinissami tulliuttut oqaluuserineqassasut kissaatigaa:

1. Qilalukkanut qaortanut suliat ingerlasut

- a. Naalakkersuisup ulloq 15. Maj UPA2019-mi immikkoortup 175-p saqqummiunneqarnerani eqqaavaa qilalukkat qaortat pillugit aalajangersimasumik suliaqartoqartoq, suliaq suna pineqarpa?

2. Aqutsiveqarfinnik atuuttunik ingerlatsinermik allannguiniarneq

- Naalakkersuisoq ulloq 15. maj UPA2019 immikkoortoq 175 pillugu saqqummiussinermini nalunaarutigaa, Naalakkersuisut aalisarfinnik aqutsiveqarfinnik allannguisoqarniartoq. Naalakkersuisut Avannersuarimi, Tunumi aamma Upernavimmi, Uummannami Qeqertarsuullu tunuani uumasunik qilalukkanik qernertanik, aavernik nannunillu pisassiisutitut tunngatillugu aqutsiveqarfinnik piniarfinnik allannguisamaarpa.
- a. Naalakkersuisoq immami nunamilu pisassiisutitut, zone-nut tunngatillugu, qanoq ilisukkullu piniarneqarsinnaanerini allannguisamaarpa?
 - b. Aqutsisoqarfinnik allannguisoqassappat, allannguissamut piffissamut killiliussat qanoq inissisimappat?

3. **Immikkoortunut nalunaarummik allanngineq**
 - a. Naalackersuisoq nalunaarutininik atuuttunik allannguinissamut pilersaaruteqarpa?
4. **Qaleralinniarneq pisassiissuteqarfiunngitsunillu qaleralinniarfinnik matusineq**
 - a. Qaleralinniarfiit titarnerup avataani aalisarfiit qanoq atorunnaarsinissaat eqqarsaatigineqarpat?
 - b. Pisassiivunngitsut allat assersuutigalugu Nuup kangerluani qaleralinniarnermut qanoq Naalackersuisoq eqqarsarpa?
 - c. Killiliiniartoqarpa?
 - d. Imaluunniit massakkutut ingerlaannartoqarniarpaa killeqanngitsumik qaleralinniarneq ingerlallugu?

Siunersiuinermit malitsit apeqquteqartoqartarsinnaanera naatsorsuutigineqarsinnaavoq.

Ataatsimiititaliap Naalackersuisumik siunersiuinerata Naalackersuisup ataatsimiititaliallu akornanni pingaarnersiulluni tulleriarinerit anguniakkallu pillugit naalackersiuinermit tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allasimasut pillugit allakkiamik kalaallisut danskisullu ataatsimiititaliap Naalackersuisumik siunersiuineranut atatillugu pissarsinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalackersuisumik siunersiuinerata kinguinngua uunga nassinneqarnissaa qinnutigineqarpoq: ina@ina.gl taamatuttaarlu ataatsimiititaliap allattaata mailianut nama@inatsisartut.gl-imut. Allakkiap ataatsimiititaliap Naalackersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalackersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Henrik Fleischer

Aalisarnermut, Piniarnermut Nunalerinermullu

ataatsimiititaliami Siulittaasoq



Inatsisartut
Aalisarnermut, Piniarnermut Nunalerinermullu Ataatsimiititaliaq
Att. Siulittaasoq Henrik Fleischer
/Maani

Ilanngussat
Bilag 4

Aalisarnermut, Piniarnermut Nunalerinermullu Ataatsimiititaliap Aalisarnermut, Piniarnermut Nunalerinermullu Naalakkersuisup akornanni marlungorneq maajip 21-at 2019 nal. 10.00 siunnersoqatigiissinnaanermut tunngatillugu apeqqutigisaanut akissuteqaatit

Dato: 17-05-2019
Sags nr.: 2018 - 17107
Akt. nr.: 10800706

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Aalisarnermut, Piniarnermut Nunalerinermullu Ataatsimiititaliaminngaanniit
Aalisarnermut, Piniarnermut Nunalerinermullu Naalakkersuisumut
siunnersoqatigiinnissamat aggersaanera innersuunneqarpoq.

Ataatsimiititaliaq allappoq Naalakkersuisoq immikkoortoq 175-ip siullermeerneqarnerani oqartoq, aqutsiveqarfiit allanngortinneqarnissaat pilersaarutaasoq. Naalakkersuisut aalisakkanik pisassiissuteqarfinnik immikkoortunik allannguiniarneranut tunngatillugu, ataatsimiititaliap paasinninnera malillugu, ataatsimiititaliap aalajangiiffigisassatut siunnersuutitut immikkoortunut 193-mik aamma 221-mik suliarinninneranut allannguutit sunnuteqartussaapput.

Tamatuma avataatigut naalakkersuisut pisassiissuteqanngitsumik qaleralinnik aalisarneq qanoq iliuseqarfiginianeraat ataatsimiititaliamit paasissallugu soqutiginarpoq.

1.-imut Qilalukkanut qaqortanut suliat ingerlasut

a. Naalakkersuisup ulloq 15. Maj UPA2019-mi immikkoortup 175-p saqqummiunneqarnerani eqqaavaa qilalukkat qaqortat pillugit aalajangersimasumik suliaqartoqartoq, suliaq suna pineqarpa?

Akissut: Ilisimatitsissutaareersutuut Kitaani ukiuni arlalissuarni qaqortartassat annertuumik sinneqartarsimapput. Qernertanik qilalugartassanik qinnuteqaqqittarnerit ikilisinniarlugit eqqarsaatigaara Kitaani pisassiissutissat ilaat piffissami aaliangersimasumi paggatassassiissutiginiarlugit. Paggatassiissuteqarneq aqutsivinni ataasiakkaani qilalugaqatigiiaarfikkaarlugit pisassaaq.

2.-mut Aqutsiveqarfinnik atuuttunik ingerlatsinermik allannguiniarneq

Naalakkersuisoq ulloq 15. maj UPA2019 immikkoortoq 175 pillugu saqqummiussinermini nalunaarutigaa, Naalakkersuisut aalisarfinnik aqutsiveqarfinnik allannguisoqarniarloq. Naalakkersuisut Avannersuarmi, Tunumi aamma Upernavimmi, Uummannami Qeqertarsuullu tunuani uumasunik qilalukkanik qernertanik, aavernik nannunillu pisassiissutitut tunngatillugu aqutsiveqarfinnik piniarfinnik allannguissamaarpa?

Akissut: Aallarniutitut oqaatigisinnaavara aqutsiveqarfiit inissinneqarnissaannut aqutsivissat aammalu aalisarneq piniarnerlu imminnut attuumassuteqanngimmata.

Piniarneq pillugu: Naalakkersuisut Avanersuarmi, Tunumi, Upernavimmi, Uummannami kiisalu Qeqertarsuup Tunuani qilalukkanut, aavernut nannunullu pisassiissutaasartut eqqarsaatigalugit allannguiniangillat.

Aqutsiveqarfiunikut taamani kommunit 18-iugallarmatali tunngaviusimasut atorpaat. Allaffissornermut tamanna pitsaanerpaavoq, sorlu assersutigalugu kommune Upernaviusimasup illoqarfimmi nunaqarfinnilu akuersissutaasut allaffissornikkut aqutarimmagit. Allaffissornikkut aqutsiveqarfiit ikinnerusut pisassiissutinik nakkutilliinermik pitsaanerulersitsinissaq qulakkeertarpaa, najugarisami aammalu nuna tamakkerlugu sipporneqannginniassammata.

Amerlassutsinut tunngatillugu killilersuinerit uumasunut attuumassuteqartuupput, tassami pisassiissutinut killilersuinerit piniagassat ataasiakkaat ukioq naallugu sumiitarfii uninngasarfiilu malillugit inissinneqartarmata.

a.-mut Naalakkersuisoq immami nunamilu pisassiissutinik, zone-nut tunngatillugu, qanoq ilisukkullu piniarneqarsinaaneritik allannguissamaarpa?

Akissut: Maannakkumut zone-usut eqqarsaatigalugit imaatigut nunakkullu piffissami aalajangersimasumi piniarsinnaaneq imaappoq:

Nannunut tunngatillugu Kalaallit Nunaata Kitaani allannguisoqassanngilaq, kingullermik uumasulerisut siunnersuutaat 2016-imeersoq 2024 tikillugu ilanngullugulu atuuppoq, taannalu Naalakkersuisuninngaanniit malinneqarnissaa akuerineqarnikuuvoq. Tunumut tunngatillugu uumasooqassuseq pillugu siunnersuisoqarnissaa utaqqineqarpoq, tamannalu siusinnerpaamik 2022-mi pissangatinneqarluni. Tamanna pereeriarpat Kalaallit Nunaat tamakkerlugu qanoq uumasooqartiginersoq paasineqassaaq, maannakkummi uumasooqassuseq eqqarsaatigalugu Tunu Kujataalu nanoqarfittut ataatsimut isiginiarneqartarmata.

Aavernut tunngatillugu; Naalakkersuisuninngaanniit NAMMCO'p Ilisimatuussutsikkut Ataatsimiititaliaa piumaffiqineqarnikuuvoq ukioq naallugu piniarsinnaaneq maannakkutut marsip aallaqqaataaniit decembarip 31-anut piniartoqarsinnaanerit qanoq isikkoqassanersoq nalilersueqquneqarnikuupput. Naalakkersuisuninngaanniit NAMMCO-miut siusinnerpaamik 2020-mi akissangatinneqarput. Aavernut piniarsinnaanerup killeqartinneqarneranut tunngatillugu aarrit illersorneqarnissaat piniarneqarnissaallu pillugu nutaamik nalunaarummik missiliuuteqartoqarpoq. Nalunaarut uumasooqassutsikkut siunnersuisoqareerpat nutarterneqassaaq.

Qilalukkanut qaqortanut qernertanullu tunngatillugu: Naalakkersuisut 2017-imi januaarimi nalunaarussiaq nutarterpaat. *Piniarneqarsinnaanerisa nalaani* uumasulerisunit siunnersuisoqarsimanerani kingulleq malinneqarpoq. Uumasulerisunit siunnersuutaasimagaluartoq Nuummiiit kujammut qilalukkat qaqortat eqqissisimatinneqarnissaannut tunngassuteqartoq kisimi malinneqanngilaq. APNN-iminngaanniit nalilersuinerit malillugit qilalukkat qaqortat peerussimanerisa qaffatsikkiartoqqinnissaannut periarfissaq annikitsuaraanngikkuni iluatsissinnaanngitsutut nalilerneqartoq.

Naalakkersuisunittaag Tunumi qilalukkat qaqortat eqqissisimatinneqarnissaannut siunnersuut malinneqarpoq, tassami ikittuinnarnik takusaqartarneq qilalugaqatigiittutut nalilerneqanngimmat tassaammatalu piffiup nalaanit uumasut aqusaartut.

Pisassat killilersorneqarnissaannut tunngatillugu 2016-imi Etahip nalaani qilalukkat qernertat pillugit killilersuinerit aallartinneqarput, taamaasillunilu Qaanaap nunaqarfiisalu

nalaani piniarsinnaaneq periarfissanngorluni. Naalakkersuisut qilalukkanut qaqortanut qernertanullu ataatsimiitaliaq (JCNB) piumaffigisimavaat Qaanaap, Upernaviup Qeqertarsuullu Tunuata nalaani uumasooqassuseq sukumiinerusumik misissorneqassasoq. Suliaq tamanna ukioq manna aallartissangatinneqarpoq, qaqugulu akissuteqarfingineqarsinnaanersoq sulii ilisimaneqanngilaq.

Tunumi qilalukkanut qernertanut tunngatillugu innersuunneqartut tassaapput siornatigut NAMMCO-minngaanniit nunarsuaq tamakkerlugu qilalukkat qaqortat qernertallu pillugit uumasooqassutsip (GROM = Global Review om Monodontids) misissorneqarsimaneranniit nalunaarusiaq kiisalu NAMMCO-p 2017-imi ukiumoortumik ataatsimiinera. Nalunaarusiami allaatigineqarpoq sumiiffiit pingasut saniatigut uumasooqarfiusut; Ittoqqortoormiit, Kangerlussuaq Tasiilarlu. Ittoqqortoormiunut Kangerlussuarmullu tunngatillugu siunnersuineq kingulleq qernertartassat 0-10-nut inissinneqassasoq Tasiilamullu 0-iulluni. Inassuteqaat tamanna 2020-mut pisassiissutinut inissiisoqarnissaanut tunngatillugu tamanut tusarniaassutigineqassaaq.

Nunamiittunut: *Umimmannut tuttunullu tunngatillugu uumasulerisut ukiorpaaluit misissuisimanngillat, Kalaallit Nunaata Kitaani tuttoqatigiit ilaannik Kangerlussuarmilu umimmaqatigiit misissorneqallattaarsimasut eqqaassanngikkaanni. Pinngortitaleriffimminngaanniit nalunaarusiap upernaap ingerlanerani saqqummiunneqassangatinneqarpoq. Ukioq manna aasamut ukiamullu pisassiisoqarnissaanut aalajangernissaannut Pinngortitaleriffimminngaanniit nalunaarusiaq utaqqimaarpara.*

b.-mut Aqutsisoqarfinnik allannguisooqassappat, allannguinissamut piffissamut killilliussat qanoq inissisimappat?

Akissut: Akissut 2a-mi piniarnermut tunngassuteqartut takuuk.

3. -mut Immikkoortunut nalunaarummik allannguinineq:

a.-mut Naalakkersuisooq nalunaarutiniq atuuttunik allannguinissamut pilersaaruteqarpa?

Akissut: akissut qilalukkanut qernertanut qaqortanut aavernullu tunngassuteqartoq takuuk. Nannut pillugit nalunaarut kingullermik septembarip 14-iat 2018 nutarterneqarpoq.

4.-mut Qaleralinniarneq pisassiissuteqarfiumngitsunillu qaleralinniarfinnik matusineq:

a.-mut Qaleralinniarfiit titarnerup avataani aalisarfiit qanoq atorunnaarsinnissaat eqqarsaatigineqarpat?

Akissut: Immikkoortoq 175-ip siullermeerneqarnerani oqarpunga Naalakkersuisut sumiiffiit pisassiiviumngitsut allanngortinneqarnissaannik ataatsimut isigalugu isumaliutersuuteqarput. Taamatut isumaliutersuuteqarneq sulii tigussaasumik siunnersuuteqartoqarneranik kinguneqanngilaq.

b.-mut Pisassiiviumngitsut allat assersuutigalugu Nuup kangerluani qaleralinniarnermut qanoq Naalakkersuisooq eqqarsarpa?

Akissut: Pissutsit marluk uvani atuupput:

Naalackersuisuningaanniit aalisarneq qanimut malinnaavigineqarpoq paasissutissallu kingullit aallaavigalugit Nuummut aalisakkat maanna tulaanneqartartut ukiunut siullernut sanilliullugit milleriarsimasut paasineqarpoq. Tassalu patsisaasoq siulleq.

Pissutaasup aappa tassaavoq ullumikkut Qeqertarsuup Tunuata kujataaniit sinerissap qanittuani qaleralinniarneq sinerissap qanittuata avataani NAFO-p nalaani 1B-mi 1D-milu qaleraqassutsimut ilaatinneqarpoq. Nutaanik aqutsiveqalersitsinerup kingorna Naalackersuit Pinngortitaleriffimmut immikkut sinerissap qanittuami 1B-miit 1F-imut Nuullu Kangerluani peqassutsimut siunnersoqquniarput. Qeqertarsuup Tunuani, Uummannami Upernavimmilu aqutsiveqarfinnut tunngatillugu immikkut siunnersuisoqartarpoq taakkunani aalisagaqassuseq sinerissat qanittuata avataani aalisagaqassutsimut attuumassuteqanngimmata. Pingaaruteqarpoq NAFO-p nalaani 1B-miit 1F-imut killilimmik pisassiissuteqarfiusumik aalisartoqartalernissaa. Sumiiffinni taakkunani pisassiissutissanik aalajangersaasulinngikkutta sineriap qanittuata avataani qaleralinniarsinnaanermut MSC-mik meqqeqarnerput annaasinnaavarput.

Taamaattumik Naalackersuisuningaanniit aqutsiveqarfimmik nutaamik Nuup Kangerluani pilersitsinissaq eqqarsaatersuuteqarfigineqarpoq.

c. Killiliiniartoqarpa?


Akissut: Nuup Kangerluani aqutsivimmik pilersitsisoqarsinnaappat qaleralinniarneq killiliiffigineqarsinnaanngussaaq uumasulerisut piujuaannartitsinissamik tunngaveqartumik aalisarsinnaanermut siunnersuusiorsimani malillugit.

Naalackersuisut sumiiffiit pisassiiviunngitsut allanngortinneqarnissaannik ataatsimut isigalugu isumaliutersuuteqarput.

d. Imaluunniit massakktut ingerlaannartoqarniarpaa killeqanngitsumik qaleralinniarneq ingerlallugu?

Akissut: Sumiiffinni pisassiiviunngitsuni aalisarneq ingerlaannarsinnaavoq allamik aalajangertoqarnissaata tungaanut.

Inussiarnersumik inuulluaqqusillunga



Jens-Immanuel

Aalisarnermut, Piniarnermut Nunalerinermullu Naalackersuisoq